

ILAY MPANJAKA NOLAVINA

 . . . mba hidinan'ny voninahitry ny Tompo eo amintsika androany amin'ny alàlan'ny fitoriana ny Teny. Ary izany dia. . .

² Tamin'iny herinandro lasa iny, dia karazan'ny niova endrika kely fotsiny aho. Tsy atao hoe tena niova endrika marina; ilay izy dia fizahana iray izay tsy maintsy nataoko, fizahana ara-batana iray. Ary izany no renareo, hoe tany amin'ny hopitaly aho. Izany dia satria nandeha tany aho mba tsy hahavoatery ahy handeha handroso sy hiverina hiampita an'ilay renirano. Manao fizahana amin'ny vavony ambony ianareo, ary amin'ny vavony ambany. Ary izy ireo dia tsy maintsy, isaky ny minitra vitsy, tsy maintsy miverina sy manao rayon-x indray izy ireo. Fa natao hanao azy ireny isika, raha manao asa any am-pitan-dranomasina, isaky ny enim-bolana. Rahalahy Roberts sy izy ireo, neveriko, dia manao ny azy isaky ny enim-bolana. Fa izaho efa tsy nanao nandritry ny efa-taona.

³ Ny olana, dia tsy tiako fotsiny io menaka castor io, izany ilay zavatra tokana. Ary milaza izy ireo fa tsy misy zavatra hafa azon'izy ireo omena, ho solony, noho izany aho, oh, lasa tena marary aho rehefa manome ahy an'io karazan-javatra io izy ireo. Fantatrareo, efa noteneniko taminareo, tao amin'ny tantaram-piaainako, hoe toy ny ahoana no anaovan'io zavatra io ahy ho tena marary. Ary—ary halako fotsiny ny maka an'ilay karazan-javatra. Ary nilaza tamin'ny dokotera sakaizako tsara fanahy aho, raha . . . “Tsy misy zavatra hafa ve?”

Dia hoy izy hoe, “Tsy mihevitra aho, Rahalahy Branham.”

⁴ Oh, rehefa tonga niaraka tamin'izany ilay ramatoa, dia toy ny hoe, angamba tafahoatra ny filazako, fa, toy ny hoe iray litatra. Izany—izany dia. . . . Tsy mbola nahita betsaka tahaka an'izany mihitsy aho. Fa nihazona ny oroko fotsiny aho ary nitelina moramora. Saingy farany dia vitako ny nampidina azy.

⁵ Fa ankehitriny, ao amin'ny fizahan-toetra rehetra, sy ny nandalovany rehetra, dia tiako ny hisaotra ny Tompo nohon'ny fizahana tanteraka iray. Nahavita aho, zato isanjato, afaka mandeha na aiza na aiza eto amin'izao tontolo izao izay tiako handehanana aho. Nanontaniako ireo dokotera, izay telo amin'ireo manam-pahaizana indrindra, izay, izaho—heveriko, ao Louisville. Ary nanontaniako izy ireo, hoy aho hoe, “Eo amin'ny tsy fahafaha-manao folo isan-jato ve aho farafahakeliny?”

⁶ Hoy izy ireo, “Tsy manana pentin'ny tsy fahafaha-manao anankiray ianao.” Hoy izy ireo—hoy izy ireo, “Ao amin'ny fahasalamana tanteraka ianao, amin'ny lafiny rehetra.” Ary

tena mankasitraka an'Andriamanitra aho. Mety ho avy amin'iza indray moa izany raha tsy ny Raintsika any An-danitra, hitanareeo, no nanao azy ho toy izany?

⁷ Dia hoy izy hoe, “Ny... Ny kisarisarinao rehetra dia maneho, ato, fa tanora ianao.” Hoy izy hoe, “Ny selan-drànao dia tsy nanomboka niova akory aza, na inona na inona.” Hoy izy hoe, “Ao amin’ny toe-batana tena tsara ianao, Rahalahy Branham.”

Dia hoy aho hoe, “Eny, tena faly aho.”

⁸ Ary nanana tombontsoa niresaka aho, nijoro vavolombelona tamin’ny mpampivelona rehetra tao amin’io hopitaly io, sy ny dokotera rehetra, ny amin’ny Fanjakan’Andriamanitra. Ary dokotera anankiray, neveriko fa tokony ho eto izy izao maraina izao. Ary izaho—izaho dia... faly aho ny mahafantatra fa mbola misy lehilahy tsara foana eto amin’ity izao tontolo izao ity, tena lehilahy, lehilahy izay ho naka tamiko ho an’ny dimy andro, teo amin’ny fizahana ara-batana, izay mety ho tonga hatrany amin’ny roa na telonjato dolara angamba ho an’ny tsirairay avy. Rehefa nahavita aho, dia hoy izy ireo hoe, “Fandraisany anjara amin’ny asan’ny Tompo izany, izay ataonao.” Hitanareeo? Hia. Tsy nisy na dia... Hoy izy ireo, “Nahoana, mahasadaikatra anay ianao, na dia ny manontany anay mihitsy aza raha handoa aminay ianao.” Hoy izy ireo, “Ny vavakao ho anay fotsiny!”

⁹ “Ary ao anatiny,” hoy izy ireo, “dia mahita zavatra iray ara-pientanam-po izay tsy mety azonay izahay.” Dia hoy aho hoe... “Izahay... Ilay izy—ilay izy toa tsy...” Hoy izy hoe, “Ety ivelany, dia tsy mikorontan-tsaina na mikorontana ianao. Fa,” hoy izy, “ao anatiny, dia misy fientanam-po iray izay tsy mety azonay.”

¹⁰ Hoy aho hoe, “Raha hipetraka eto vetivety fotsiny ianareeo, dia ho teneniko aminareo.” Dia nandeha aho niresaka mikasika an’ireo fahitana. Saha iray hafa ho azy ireo izany. Tsy nahafantatra na inona na inona mikasika an’izany izy ireo. Noteneniko tamin’izy ireo ny mikasika ny Baiboly. Avy eo dia noteneniko tamin’izy ireo ny amin’ny fahitana izay vao avy nomen’ny Tompo ahy indray andro, ka nitomany tahaka ny zazakely izy ireo. Nipetraka teo fotsiny ary nitomany. Ary izaho...izy ireo...Hoy aho hoe, “Manantena aho fa tsy mihevitra ahy ho mpivavaka iray mpirehidrehi-poana ianareeo na hafa.”

¹¹ Hoy izy ireo, “Tsia velively, Rahalahy Branham. Mino an’izany amin’ny foko rehetra aho.” Hoy izy hoe, “Saingy ny zavatra anankiray izay tiako lazaina. Tsy mandeha any am-pianaranana ianao mba hianatra an’ireo zavatra ireo.” Hoy izy, “Mino aho fa avy amin’Andriamanitra Tsitoha izy ireo.” Ary telo tamin’ireo mpitsabo malaza ao Louisville izany, ny tsara indrindra izay nananan’izy ireo. Ary, noho izany, tena faly aho

ny amin'izany, ary ny mahafantatra fa ny Tompo angamba no namela ahy hamboly voa iray tany.

¹² Ny mpampivelona tsirairay, niresaka tamin'izy ireo aho. Izy ireo, indray maraina, nivoaka avy tao amin'ny efitry ny rayon-x aho, nolazaiko tamin'ilay...Nijery vehivavy antitra mahantra iray aho. Tena narary izy. Ary nanoxy nandroso aho, nandroso mandra-pahatongako teo aminy. Nihevitra aho fa teo am-pahafatesana izy. Dia hoy aho hoe, "Te-hametraka fanontaniana iray aminao aho, ranabavy."

Hoy izy hoe, "Eny, tomoko."

Hoy aho hoe, "Kristiana ve ianao?"

Dia hoy izy hoe, "Mikambana amin'ny fiangonana *izao* aho."

¹³ Dia hoy aho hoe, "Tiako ny hanao an'izany ho mazava kely kokoa." Hoy aho hoe, "Izaho—tiako ho fantatra raha Kristiana iray ianao, Kristiana iray marina tokoa. Ka, raha tsy maintsy hiampita an'ity ranomasim-piainana ity ianao, hankany amin'ilay Tany hafa, dia tia Azy ve ianao?" Hoy aho hoe, "Ho voavonjy marina tokoa ve ianao?"

Dia hoy izy hoe, "Eny, tomoko. Ho voavonjy aho."

¹⁴ Dia hoy aho hoe, "Andriamanitra hitahy ny fonao arak'izany. Tsy mampaninona na mitsoka mankaiza ny rivotra, mety tsara ianao amin'izay fotoana izay, raha mbola mandeha tahaka an'izany foana ilay izy."

¹⁵ Ary raha mandeha manodidina fotsiny ianareo, dia misy olona tsara betsaka mbola tavela eto amin'izao tontolo izao.

¹⁶ Ankehitriny, androany, dia tonga miaraka amin'ny fahitana iray aho izay ho teneniko aminareo aoriana kely. Fa tiako ny hiresaka, aloha, eo amin'ny sasany amin'ny Teny, satria mino aho fa ny Teny no tena ilaina, ilay tena ilaina indrindra ankehitriny. Ary faly aho ny mahita an'i Charlie Cox, sy, rahalahy, ny sakazako mitsangana eo, miaraka. Rahalahy, izaho tsy afaka mieritreritra...Jeffries, tsy afaka mieritreritra ny anarany aho. Maro aminareo rahalahy sarobidy hafa avy any Georgia, avy amin'ny ampahany samihafa an'ny firenena. Ny namako fahiny, Bill, mipetraka eto, mino aho fa izay ilay izy, izao maraina izao. Ary—ary maro...Ary rahalahy avy any Georgia eo, ireo olona izay nanome ahy an'ity palitao sy pataloха ity. Fantatrareo, izany no—izany no anankiray tsara indrindra amin'ireo palitaoko sy pataloха izay hany nanaovako. Tsapa ho tena tsara mihitsy, tena mahafinaritra marina tokoa. Ary midika betsaka tokoa ianareo ho ahy. Rehefa teneniko aminareo izay nitranga, tamin'ireo andro vitsy farany ireo, ho ahy, dia ho hitanareo hoe nahoana aho no mihevitra fa midika betsaka tokoa ho ahy izany.

¹⁷ Ankehitriny, mino aho, raha sitraky ny Tompo, dia tiako ny hanohy an'ilay ady mafimafy kokoa noho ny tany aloha

mihitsy, teo amin'ny fiainako. Satria, hitako ankehitriny fa ilay izy dia... Mazava ho azy, mety ho faty aho androany. Izany dia, tsy mahafantatra ianareo. Ny fijerena elektrikan'ny foko sy ny sisa, karazana rayon-x enina ambin'ny folo samihafa, hia, ara-batana tanteraka, dia naneho fa izaho dia ao... ara-dalàna tahaka ny olona iray, olombelona iray eto an-tany. Noho izany dia mankasitraka aho ny amin'izany. Fa, ny zavatra rehetra, na dia io rehetra io aza, ary satria misaotra sy mankasitraka an'Andriamanitra, fa izaho dia, fa mino aho fa Izy dia mbola mihazona ahy foana ao amin'ny Asany, ilay izy dia tsy izay Nasehony tamiko taloha kelin'izany mihitsy, hitanareo, no nanao ahy ho faly fotsiny.

¹⁸ Ankehitriny, heveriko, rahariva... Mety tsara aminao ve izany? [Hoy Rahalahy Neville hoe, "Eny, tompoko."—Mpand.] Ny—ny rahalahintsika sarobidy dia—dia lehilahy anankiray tsy tia tena, dia—dia Rahalahy Neville. Ary raha nisy taminareo teto tamin'ny Alahady lasa ka nandre an'ilay hafatra mahafinaritra izay nentiny, teo amin'ny "ilay tavoaran-diloilo," izany dia tena... Ny anankiray amin'ny hafatra malaza indrindra izay hany reko, dia izay nentin-dRahalahy Neville, tamin'ny alalan'ny Fanahy Masina, tamin'ny Alahady lasa, ho an'ity andian'ondry kely izay nangonin'Andriamanitra miaraka ity.

¹⁹ Ary raha hety tsara izany, hahafaly ny Tompo, sy amin-dRahalahy Neville ary ny fiangonana, dia tiako ny hiresaka indray rahariva ka hanomboka andiany iray, atao hoe, amin'ny Alatsinainy hariva... ny tiako lazaina, amin'ny Alahady hariva, sy Alarobia hariva, ary amin'ny Alahady heriny, andiany iray izay nianarako.

²⁰ Tsy voatery nijanona tany amin'ilay hopitaly aho. Fa tena tsara fanahy tamiko izy ireo, nomen'izy ireo ahy tamin'ny ampahatelon'ny vidiny ilay efitra. Ary noho izany dia nalaiko fotsiny ireo Baiboliko, ireo bokiko, ary nakariko ilay loham-pandriana, ka nipetraka nivalampatra tanteraka teo, ary nametraka an'ireo Baiboliko rehetra sy ny sisa nanodidina. Ary nanana fotoana iray marina tokoa aho, mandra-pitondran'izy ireo an'io menaka castor io tao. Nitsahatra teo avy hatrany ny fotoako tsara. Izaho—vita ny amiko tamin'io fotoana io. Fa, Rahalahy Pat, narary marina tokoa aho. Io karazan-javatra io, tsy mety mahatanty fotsiny aho. Ary, fa, nanana fotoana tsara iray aho, tany nandritry ny telo na efatra andro voalohany. Nanana fotoana tsara iray aho.

²¹ Ary nianatra teo amin'ny Bokin'ny Efesiana aho. Oh, io fametrahana miaraka an'ilay Fiangonana io. Ary heveriko fa zavatra iray tsara tarehy izany. Ary—ary raha ianareo...

²² Ankehitriny, raha manana fiangonana iray izay andehananareo ianareo, dia mandrosoa avy hatrany ka mijoroa eo amin'ny toeran'andraikitrareo. Fa raha tsy manana

fiangonana iray ianareo, ka te-hiverina rahariva, sy amin'ny Alarobia hariva, ary amin'ny Alahady hariva.

²³ Tiako ny haka, rahariva, ny faha-1 an'ny Bokin'ny Efesosy; ary amin'ny Alarobia hariva, ny toko faha-2-n'ny Efesosy; ary amin'ny Alahady heriny, ny toko faha-3-n'ny Efesosy; mba hametraka an'ilay Fianganana ao amin'ny lamina. Fantatrareo izay tiako lazaina, izany no fametrahana Azy, ara-toerana. Ary heveriko fa izany dia fampiorenana iray, ho an'ilay Fianganana. Izaho tsy... Izaho dia—miresaka fotsiny an'ity ho an'ireo mpanketo amin'ny Branham Tabernacle aho.

²⁴ Ary raha ny sasany aminareo rahalahy malala...Fantattro fa ny sasany aminareo, heveriko, dia manana fivoriana. Ny rahalahy kelinay izay any Sellersburg, sy—sy ireo hafa, dia manana fivoriana. Ankehitriny, jereo, fivoriam-pifohazana izy ireo. Atreho izy ireo. Mpanompon'i Kristy izy ireo, lehilahy tanora izay mitsangana eo amin'ilay banga, izay mivoaka. Rehefa ny fianganan'izy ireo manokana mihitsy aza no nandà ny Fahamarinana, sy ireo zavatra tahaka an'izany, dia niala lavitra an'izany avy hatrany izy ireo. Ary Andriamanitra no niantso azy ireo ho amin'ilay asa fanompoana. Eny, tompoko. Izaho—izaho dia mankasitraka lehilahy iray... Tsy afaka mieritreritra ny anaran'ilay lehilahy akory aza aho. Fa lehilahy tanora iray izy, mahafinaritra, lehilahy tsara tarehy, ary vady iray maha-te-ho tia syzanaka.

²⁵ Ary—ary Rahalahy Junie Jackson dia efa nanana fivoriana vitsivitsy teto, izay amboara iray hafa mahafinaritra, miavaka an'ny fahasoavan'Andriamanitra mahagaga. Ary rehefa manana fifohazana izy ireo ao amin'ny fiangananareo, dia mandehana mankany amin'izy ireny avy hatrany, satria izany no...izany ilay zavatra hatao. Satria, tsy fantatrareo, mety hisy mpanota iray hanatona ny alitara, ka mety ianareo no ho voataona hitarika an'io olona io eo amin'i Kristy, izay ho valim-pitianareo lehibe any ampitan'ilay ilany hafa.

²⁶ Ity dia fampianarana fotsiny sy fametrahana ny Fianganana amin'ny lamina, eto amin'ny tabernakla, manampy hatrany raha mandeha isika.

²⁷ Ankehitriny, tsy nitondra ny famantaranandroko aho, noho izany dia aoka hisy olona iray hanara-maso ahy. Vao avy nampiseho tamiko i Doc, fa manana anankiray izy. Noho izany, ny rahalahiko...Noho izany ankehitriny...[Hoy Rahalahy Edgar "Doc" Branham hoe, "Tsy hampandoa anao betsaka ho an'ity aho," ary manome ny famantaranandrony ho andRahalahy Branham—Mpand.] Tsy hampandoa ahy betsaka ho an'ity ianao? Eny àry. Eny, ankehitriny, mety tsara izany. Eny, ankehitriny, tsy mino aho fa marina ilay zavatra, eo am-panombohana. Noho izany...["Misaotra anao. Hiteny anankiray eo aminao aho."] Ankehitriny, oh, oh, sh-sh-sh-

sh. [“Nahenako iraimbilanja folo, nohon’ny tsingerintaona nahaterahako, izao maraina izao, mba hanao anao hahatsapa tsaratsara kokoa fotsiny.”] Izany ve? Ankehitriny izany dia... Miakatra avo kokoa mihitsy arak’izany ny vidin’ity famantaranandro ity, Doc. Nilaza izy fa nanena iraimbilanja, nohon’ny tsingerintaona nahaterahany, mba hanao ahy hahatsapa tsaratsara kokoa, satria misy elanelana roa na telo eo amiko sy izy. Noho izany dia afaka mahita ianareo hoe aiza no misy ahy, eo amin’ilay lalana. Fa, oh, tsy mampaninona izany na kely aza, ho ahy. Ankehitriny, tsy hiresaka ela loatra aho.

²⁸ Ankehitriny, raha misy vahiny ato amin’ny vavahadinay, dia azo antoka fa te-hiarahaba anareo tongasoa izahay amin’ny fonay rehetra. Tena tongasoa tokoa ianareo eto amin’ity tabernakla kely ity. Tsy manana tranobe iray lehibe izahay. Ao amin’ny fandaharana ankehitriny ny hanorina ho anay, tsy toerana goavana iray, fa fotsiny ny... Efa tena miha-potika mihitsy ity anankiray ity. Ary hiezaka izahay ny hanorina ho anay fiangonana kely tsara iray mampiadana eto, vantany vao izahay... raha mamela anay hanao an’izany ny Tompo. Ary maro aminareo rehetra no manao ezaka ho amin’izany, ary azo antoka fa mankasitraka an’izany izahay.

²⁹ Ankehitriny dia tiako ianareo hamadika miaraka amiko, izao maraina izao, amin’ny famakiana, ao amin’ny Samoela Voalohany ny toko faha-8, ary manomboka eo amin’ny, ndao isika hanomboka eo amin’ny andininy faha-19, ny andininy faha-19 sy faha-20, angamba, ho an’ny lahateny kely ho fotokevitra iray.

³⁰ Ary ankehitriny, raha mitady an’izany ianareo, ary alohan’ny isika... Hovakiantsika izany, ary avy eo dia te-handeha hivavaka isika. Ary hisy fangatahana ve izao maraina izao, ka hanao hoe, “Tsarovy fotsiny aho”? Tamin’ny fihaonantsika farany, roa herinandro lasa izay, na telo, rehefa nanana an’ilay favoriana aho... Hono ho’aho, isika...

³¹ Eo amin’izay ihany, raha mbola mamadika ianareo, ilay favoriana dia manomboka any amin’ny Chautauqua, ny faha-6 ankehitriny. Manantena fotoana iray lehibe isika, Middletown, Ohio. Ianareo izay haka ny fakan-drivotrareo ho avy, dia tongava. Ary toby goavana iray, eo amin’ilay renirano mihitsy, izay, oh, isika... ny toriteny rehetra izay hany renareo. Any ambony-sy-ambanin’ilay renirano izy rehetra, ireo mpitoky teny, isa-maraina, mandritry ny andro sy hariva rehetra. Noho izany dia miangona miaraka izy rehetra. Izany dia toeram-pilasiana goavana iray, goavana lavitra noho i Silver Hills, imbetsaka. Ary—ary avy eo dia misy toerana goavana iray any izay azonay ametrahana olona eo anelanelan’ny valo sy iray alina. Ary hipoka foana izany. Manana fotoana lehibe izahay any Ohio.

³² Ary Rahalahy Kidd antitra, izay nandehanako mba hivavahana, indray maraina. Tsaroanareo rehetra ve aho niteny taminareo, telo herinandro lasa izay? Ilay dokotera dia nanome azy efatra amby roapolo ora, hahavelomana. Mitsangana izy ary mandehandeha. Nanonona Soratra iray izy, hira iray izay tsy afaka nohirainy. Ary rehefa niditra aho ka njery azy, indray maraina, ary teo amboniny ilay aron'akanjo kely. Niainga teto aho teo amin'ny ora telo na efatra talohan'ny andro, mba ahafahako ho tonga tany aminy. Nilaza izy ireo fa ho faty izy tamin'io andro io; homamiadana tao amin'ny prostaty.

³³ Ary ny vadiny sarobidy, kely, antitra, dia nanasa lamba amin'ny dimampolo cents isan'andro; izany dia alohan'ny misandratr'andro, hatramin'ny aorian'ny hariva, amin'ny dimampolo cents, mba hanohizan'ny vadiny eny amin'ny saha amin'ny maha-mpitory teny iray. Nitory tao amin'ny fifohazana roa herinandro izy, ka nitaty rakitra, nahazo valopolo cents.

³⁴ Fa nahita azy ireo aho nipetraka tany indray maraina, ireo mpivady roa kely, antitra, mpivady kely iray, raha ny marina, nipetraka tany, ary ny aron'akanjo keliny teny amin'ny sorony. Ary ny iray tamin'ireo azy niova fo, roa amby sivifolo taona, mangirana sy mamiratra mihitsy, ary Pentekosta hatrany amin'ny tsoka, ary nipetraka teo, fantatrareo. Dia hoy aho hoe, “Mba fantatrareo ve hoe ho an’ny inona no ipetrahanareo olona antitra ireo eto? Miandry an’ilay sambo ho tonga fotsiny.” Izay ihany. Ny asan’izy ireo, ny rehetra izay notanterahin’izy ireo, ny—ny tanjona iray izay notanterahin’izy ireo, ary vonona izy ireo ankehitriny ny handeha hankany amin’ny valim-pitiany.

³⁵ Dia nilaza tamin-dRahalahy Chev aho, an’izany tamin-dRahalahy Kidson... Kidd, tamin’io maraina io hoe, “Ho any amin’ny favoriana any Chautauqua ianaao.”

³⁶ Niantso ahy izy omaly, nanao hoe, “Izaho dia... Ho any aho, Rahalahy Branham.” Mahafinaritra fotsiny.

³⁷ Maro avy amin’ny favoriana, avy amin’ny asam-panompoako vaovao no tonga. Rahalahy iray, rahalahy Batista mitsangana eto, ny zananivavy,adolantsento, dia efa somary maditra kely. Ary noteneniko taminy hoe, “Omeko anao ny zanakao vavy ho an’ny Tompo Jesosy,” indray maraina. Ary rehefa nody tany an-trano izy, dia voavonjy izy. Ary eto ilay anankiray hafa izao maraina izao, mba hatao batisa ary mitohy.

³⁸ Ary lehilahy iray, Atoa. Sothmann, sakaizako iray avy any Canada, ny rafozam-baviny dia teo an-dàlam-pahafatesana iray, hoy aho, “Ianao dia hahita ny rafozam-bavinao rehefa tonga any, salama, eny amin’ny lâlany mba ho sitrana, mety tsara.” Tahaka an’izany fotsiny ilay izy. Ary izao fotsiny... tonga fotsiny ny olona. Ao amin’ny taom-pahazazany fotsiny izy ankehitriny, mihetsika. Fa, oh, miandry an’ilay mihoatra isika, betsaka

ambonin'ny rehetra. Ao amin'ireo andro ratsy sy farany isika, saingy ao amin'ny ora iray be voninahitra.

³⁹ Ankehitriny dia manana ny Baibolinareo ve ianareeo, ho an'ny famakiana, ny toko faha-8-n'ny Samoela? Ary nampanantena an'i Gene aho mba hijanona ao, handray feo ny sisa amin'ity. Eo amin'ny fanombohana fotsiny isika, ao amin'ny favorantsika.

Kanefa nandà ny hankatò ny feon'i Samoela ny olona; ka hoy izy ireo hoe, Tsia; fa banana mpanjaka iray izahay hanjaka aminay;

Mba izahay... ho tahaka... ny firenena, firenena rehetra; ka ny mpanjakanay no hitsara anay, sy hivoaka eo alohanay, ary hiady ny adinay.

...Ren'i Samoela ireo tenin'ny olona rehetra ireo, ka... notantarainy teo an-tsofin'ny TOMPO izy ireny.

Ary hoy ny TOMPO tamin'i Samoela hoe, Henoy ny feon'izy ireo, ary manendre mpanjaka iray ho azy ireo. Dia hoy i Samoela tamin'ireo lehilahy amin'ny Israely hoe, Mandehana ianareo lehilahy rehetra mankany amin'ny tanànanareo avy.

⁴⁰ Ankehitriny raha hanandrana hisafidy avy amin'ity aho, izao maraina izao, an'izay hantsoiko hoe lahateny iray, mandritry ny minitra vitsy manaraka, dia tiako ny hisafidy an'ilay lahateny hoe: *Ilay Mpanjaka Nolavina*.

⁴¹ Izany dia fotoana iray, izay tahaka ny fotoana rehetra, izay tsy nilan'ny olona mihitsy an'Andriamanitra hitarika azy ireo. Mila ny fomba fitarihany manokana izy ireo. Ary ity tantara ity izao maraina izao... Ary rehefa mody any antranonareo ianareo, dia ho tsara ny hamakianareo azy hatrany amin'ny farany. Izany dia nandrity ny fotoan'ireo—ireo andron'i Samoela, ilay lehilahin'Andriamanitra, ilay mpaminany. Fa lehilahy marina iray izy, ary lehilahy tsara iray, mendri-kaja, tsara laza, mahatoky sy mahitsy fo tamin'ny olona, tsy namitaka azy ireo mihitsy, ary tsy niteny tamin'izy ireo afa-tsy ny HOY NY TOMPO HOE avy hatrany.

⁴² Saingy ny olona no tonga teo amin'ny toerana iray izay nitiaivany hanova an'io fandaharana io. Nandinika an'ireo Filistina izy ireo, sy ireo Amalekita, Amorita, Hetita, ary ireo firenena hafa an'izao tontolo izao. Ary hitan'izy ireo fa izy ireo dia nanana mpanjaka izay nanjaka teo amin'izy ireo, sy nitondra azy ireo, sy nitari-dàlana azy ireo, ary niady ny adin'izy ireo, sy ny sisa. Ary izany dia toy ny hoe te-hampitovy ny tenany tahaka an'ireo mpanjaka ireo i Israely, sy tahaka an'ireo olona ireo.

⁴³ Saingy tsy izany mihitsy, tao amin'ny taona rehetra, no fikasan'Andriamanitra hihetsehan'ny Olony hoe hitovy amin'ny olon'izao tontolo izao, na ho entina na ho fehezina tahaka

ny olon'izao tontolo izao. Ny olon'Andriamanitra, tahaka ny isan'andro, dia efa o—olona manokana iray, olona hafa iray, nantsoina hivoaka iray, nisaraka iray, ary hafa tanteraka ao amin'ny hetsiny, ao amin'ny fombany, ao amin'ny fomba fiainany, noho ireo olon'izao tontolo izao. Ny fanirian'izy ireo zavatra, sy ny rehetra nanaovana azy dia, efa nifanohitra foana tamin'ireo zavatra izay irian'ny olon'izao tontolo izao.

⁴⁴ Ary nanatona an'i Samoela ny olon'ny Isiraely ka nanao hoe, "Ankehitriny, miha-antitra ianao, ary ny zanakao tsy mandeha amin'ny lèlanao." Satria, tsy nahatoky tahaka an'i Samoela izy ireo. Mpanao kolikoly sy mpaka vola izy ireo. Ary hoy izy ireo hoe, "Ry Samoela, tsy tahaka anao ireo zanakao lahy, noho izany dia mila anao hivoaka izahay ka hitady mpanjaka iray ho anay, sy hanosotra azy, ary hanao anay ho vahoaka iray tahaka ny sisa amin'ireo olon'izao tontolo izao."

⁴⁵ Ary niezaka niteny tamin'izy ireo i Samoela fa tsy hety izany. Hoy izy hoe, "Raha manao an'izany ianareo, ny zavatra voalohany fantatrareo, dia ho hitanareo fa hamoaka ny zanakalahinareo avy ao an-tranonareo izy, ary hanao miaramila avy amin'izy ireo, mba hihazakazaka eo alohan'ny kalesiny, ary hitondra fitaovam-piadiana sy lefona. Tsy izany ihany, fa hiantso ny zanakavavinareo izy, hanao mpanao mofo, sy hitondra azy ireo ho lavitra anareo, mba hamahana ny tafika. Ary," hoy izy, "ankoatr'izany, dia hitaky hetra avy aminareo izy, sy ny vokatrareo, ary ny vola miditra aminareo rehetra. Hanisy hetra an'izany rehetra izany izy, mba hanao trosan'ny governemanta, sy ny sisa, izay tsy maintsy haloa." Hoy izy hoe, "Heveriko fa ianareo, rehetra, dia manao fahadisoana iray." Fa rehefa . . .

⁴⁶ Hoy ny olona hoe, "Fa mbola te-hitovy amin'ny sisa amin'ny olona foana izahay." Misy zavatra mikasika an'ireo lehilahy sy vehivavy, hoe maniry ny hitovy izy ireo. Ary anankiray ihany ny lehilahy izay hany niaina teto an-tany izay ohatra ho antsika, ary izany dia ilay Anankiray izay maty ho antsika, ny Tompo sy Mpamonjintsika, Jesosy Kristy. Izy no ohatra tanteraka izay tokony haha-izy antsika, manao ny asan'ny Ray foana, ary manao an'izay tsara.

⁴⁷ Ary tsy mampaninona na impiry no niezahan'i Samoela nandresy lahatra ny olona, nanaraka azy tsy ankitsahatra izy ireo, andro aman'alina, "Mila mpanjaka iray izahay. Mila lehilahy iray izahay. Mila lehilahy iray izahay izay azonay lazaina hoe, 'Ity no mpitari-dàlana anay.'"

⁴⁸ Ary tsy sitrapon'Andriamanitra mihitsy izany. Tsy sitrapon'Andriamanitra mihitsy, na ho sitrapon'Andriamanitra mihitsy, ny olona hifanapaka. Andriamanitra no manapaka eo amin'ny olona. Andriamanitra no Mpanapaka antsika, Mpanjakantsika.

⁴⁹ Ary izany dia tena, tena loza iray tokoa ho an'izao andro izao, satria toa manana an'io hevitra iray io ihany foana ny olona. Toa tsy vitan'izy ireo ny hahazo fa mbola Andriamanitra foana no manapaka ny olona, raha tokony ny olona no manapaka ny olona.

⁵⁰ Noho izany dia nifidy lehilahy iray ho an'ny tenany izy ireo nantsoina hoe Saoly, izay zanakalahin'i Kisy. Fa lehilahy iray tsara laza izy, lehilahy iray mendri-kaja. Ary nety tsara tamin'ny olona mihitsy izy, satria izy dia lehibe iray, lava, andriana, tsanganan-dehilahy iray. Ny Soratra no nilaza fa izy dia nanana loha sy soroka nihoatra ny lehilahy rehetra tao Israely. Izy dia nanana endrika ho mpanjaka, ary tsara tarehy izy teo amin'ny tava. Lehilahy iray mamiratra sy hafa kely izy.

⁵¹ Ankehitriny, izany ilay karazan-dehilahy izay tian'ny olona ho safidiana amin'izao andro izao. Toa tsy afa-po amin'ny fomba nametrahan'Andriamanitra Ny Fianganany ny olona, mba ho entina sy fehezin'ny Fanahy Masina. Mila olona izy ireo, lehilahy iray, anaram-pianganana iray, olona sasany hitondra an'ilay Fianganana. Fa, tsy afaka manolotra ny tenany manontolo eo an-tanan'Andriamanitra izy ireo, mba ho ara-panahy, mba ho tarihin'ny Fanahy Masina. Mila olona iray izy ireo hanao ny fivavahany ho azy ireo, olona iray izay hiteny amin'izy ireo fotsiny hoe ahoana no hanaovana an'izany, sy ny rehetra mikasika an'izany.

⁵² Noho izany dia toa mety amin'ilay toerana ity lehilahy ity, satria lehilahy iray tena mahay izy.

⁵³ Ary mitovy amin'izany ilay zavatra manontolo amin'izao andro izao. Isika dia tia misafidy olona tahaka an'izany, ihany koa, mba hifehy an'ireo fianganantsika, mba hifehy an'ilay Fianganan'Andriamanitra. Tsy misy na inona na inona tokony ho lazaiko manohitra an'izany, saingy mba hanaovana fanamarihana iray fotsiny mihitsy, hoe: tsy izany ilay izy, efa tsy izany ilay izy, ary tsy ho izany mihitsy ny sitrapon'Andriamanitra, ny hisian'ny tahaka an'izany. Andriamanitra no tsy maintsy manapaka ny Olony, hitondra ny isam-batan'olona tsirairay.

⁵⁴ Avy eo dia hitantsika fa ity zanakalahin'i Kisy ity, lehilahy malaza, ary—ary ny tsanganany, sy ny... Toa mety amin'ny olona izy, ka ho tena malaza ny akanjony eo aminy. Ary ny satroboninahitra eo amin'ny lohany, ny fomba mihoatra ny olona hafa rehetra, raha mandeha izy, dia ho—ho tena harena iray ho an'ny fanjakan'ny Israely. Satria, ireo mpanjaka hafa dia, an'ireo firenena hafa, dia hihevitra hoe, "Jereo hoe lehilahy iray toy ny inona!" Toy ny ahoana no nahafahan'izy ireo nanondro tamin'ny fanondron'izy ireo ka hanao hoe, "Jereo eto, mpanjaka malaza iray toy ny inona no anananay! Jereo hoe lehilahy malaza iray toy ny inona no manapaka anay!"

⁵⁵ Ary mampalahelo ny milaza, saingy marina toy ny ahoana izany amin'izao andro izao ny amin'ilay fiangonana, tian'izy ireo ny milaza hoe, "Ny pasiteranay dia tsy lehilahy iray tery saina. Lehilahy malaza iray izy. Manana diplaoma iray avy any Hartford izy, na sekolin'ny teolojia malaza iray. Manana diplaoma efatra izy avy amin'ny toerana iray *izao-sy-izao*. Ary tena mpifanerasera amin'ny olona tsara mihitsy izy." Mety ho tsara daholo izany rehetra izany, ary manana ny toerany. Saingy ny fomban'Andriamanitra ho an'Ny Fiangonany dia ny ho tarihin'ny Fanahy Masina, sy amin'Ny Fanahiny.

⁵⁶ Saingy tian'izy ireo ny hilaza hoe, "Manana an'ity anaram-pianganana malaza izay ikambananay ity izahay. Izahay dia nanomboka tamin'ireo andron'ny mpialoha lâlana voalohany, fony izahay tao amin'ny havitsiana, tena olona vitsy fotsiny, ary kely. Fa ankehitriny dia nitombo izahay hany ka izahay no isan'ireo anaram-pianganana lehibe indrindra izay misy. Izahay no manana an'ireo sekoly tsara indrindra, sy ireo mpitoriteny nianatra tsara indrindra. Izahay no manana ny vahoaka betsaka tsara akanjo indrindra. Ary ny olona mahay indrindra amin'ny tanàna dia manotrona ny anaram-piangananay. Ary manao fiantrana izahay. Ary manao asa soa izahay, sy ny rehetra tahaka an'izany." Ary tsy misy na inona na inona mihitsy, Andriamanitra anie handrara, mba tsy hitenenako tenty anankiray manohitra an'izany, satria tsara izany rehetra izany.

⁵⁷ Saingy, mbola, tsy sitrapon'Andriamanitra ny hanapahan'io olona io eo amin'ny olona. Andriamanitra dia nandefa, tamin'ny Andron'ny Pentekosta, ny Fanahy Masina hanapaka ao ampon'ny olona, ary hanapaka ao amin'ny fainanay. Tsy midika izany hoe ny olona hanapaka eo amin'ny olona.

⁵⁸ Saingy tiantsika ny milaza an'izany. Tena zavatra malaza amintsika rehefa afaka milaza isika fa mikambana amin'ny rafipandaminana malaza iray tahaka an'izany.

⁵⁹ "Kristiana ve ianao?" Tahaka an'izany no tsapako eo amin'ity lahateny ity, rehefa tany amin'ilay hopitaly aho. Ary nanontany olona iray aho hoe, "Kristiana ve ianao?"

"Mikambana amin'*izao-sy-izao* aho."

"Kristiana ve ianao?"

"Mikambana amin'*izao-sy-izao* aho."

⁶⁰ Ary nankeo amin'ny loham-pandriana ny mpampivelona kely iray, teo amin'izay namakiako ny Baiboly, ary izy dia—dia mpampivelona vaovao iray tao amin'ilay rihana. Dia hoy izy hoe, "Manao ahoana ianao." Hoy izy hoe, "Mino aho fa ianao no Rev. Branham, tonga eto ho an'ny fizahana ara-batana."

Hoy aho hoe, "Izaho no izy."

⁶¹ Dia hoy izy hoe, “Afaka mikosoka ny lamosinao ve aho, hanao anao hahatsapa ho tsaratsara kely kokoa amin’ny alikaola?”

Dia hoy aho hoe, “Afaka manao an’izany ianao.”

⁶² Ary raha mbola nikosoka ny lamosiko izy, dia hoy izy hoe, “Inona ny anaram-piangonana ikambananao?”

⁶³ Dia hoy aho hoe, “Oh, mikambana amin’ilay anaram-piangonana tranaindy indrindra izay misy aho.”

Dia hoy izy hoe, “Anaram-piangonana inona izany?”

⁶⁴ Hoy aho hoe, “Izany no anankiray izay voarafitra talohan’ny hany nandrafetana an’izao tontolo izao.”

⁶⁵ Ary, “Oh,” hoy izy, “inona? Tsy mino aho fa mahafantatra an’izany mihitsy.” Hoy izy hoe, “Izaho dia mikambana amin’ny fiangonana *izao*. Io anaram-piangonana io ve izany?”

⁶⁶ Hoy aho hoe, “Tsia, madama. Io dia saiky vao roanjato taona lasa fotsiny izay, io rafi-pandaminana io. Fa ity rafi-pandaminana ity dia nanomboka fony niara-nihira ireo kintan’ny maraina, ka nihiakiaka fifaliana ireo zanak’Andriamanitra, rehefa nahita ny Fihavian’ny Mpamony iray mba hanavotra ny olombelona izy ireo.”

⁶⁷ Ary nijanona tsy nikosoka ny lamosiko fotsiny izy. Dia niondrika kely aho, tahaka an’*izao*, mba ahafahan’ilay ramatoa hikosoka. Ary avy any akaikin’i Corydon izy, eto. Nanomboka niresaka izahay. Dia hoy izy hoe, “Tompoko, efa nino foana aho fa raha Andriamanitra no Andriamanitra hatramin’izay, dia mbola Andriamanitra foana Izy, androany, tahaka Azy tamin’ny andro fahiny mihitsy.” Hoy izy hoe, “Na dia mandà an’izany ankitsirano aza ny fiangonako, fa izaho dia mino fa izany no Fahamarinana.”

⁶⁸ Dia hoy aho hoe, “Tsy lavitry ny Fanjakan’Andriamanitra ianao, ry vehivavy tanora.”

Hoy izy hoe, “Raha efa mpanasitrana iray Izy hatramin’izay, dia tsy mbola mpanasitrana iray foana ve Izy.”

Hoy aho hoe, “Tena izany marina tokoa Izy, ranabaviko.”

⁶⁹ Saingy te-hanapaka ny olona, ary hanapaka eo amin’ny olona. Ary mila olona hanapaka eo aminy ny olona. Tsy mila manana an’Andriamanitra hanapaka izy.

⁷⁰ Noho izany ity zanakalahin’i Kisy ity, Saoly, no anarany, dia valin’izay nilain’izy ireo mihitsy, ilay lehilahy malaza mendrika. Ary ny... Oh, afaka nitarika azy ireo mihitsy tao amin’ny adin’izy ireo izy, sy ny sisa. Saingy, mbola, tsy izany no fomba fanaovan’Andriamanitra zavatra. Andriamanitra dia nila ny Mpaminaniny antitra mahatoky hitarika azy ireo, sy hiteny amin’izy ireo Ny Teniny.

⁷¹ Ankehitriny, amin'izao andro izao, ao amin'ny taom-pianganantsika malaza izay iainantsika, isika, heveriko, ary mino an'izao amin'ny foko rehetra aho, fa nanao marina tokoa ny endrika mifamadika amin'izay nandidian'Andriamanitra antsika mba hatao isika. Ireo Teny farany an'ny Mpamonjintsika dia ao amin'ny Marka 16. Hoy Izy:

Mandehana ianareo mankany amin'izao tontolo rehetra izao, ka mitoria ny filazantsara amin'ny olombelona rehetra.

Izay mino sy atao batisa no hovonjena; . . . izay tsy mino no hohelohina.

Ary izao famantarana izao no hanaraka an'ireo izay mino; Amin'ny anarako izy ireo dia handroaka devoly; hiteny amin'ny fiteny vaovao izy ireo;

Ary raha izy ireo no handray menarana; na . . . hisotro . . . zavatra mahafaty, izany dia tsy hampaninona azy ireo; ary raha izy ireo . . . hametraka ny tànany eo amin'ny marary, . . . dia ho sitrana izy ireny.

⁷² Tsy misy olona iray, tsy misy zanakalahin'i Kisy iray, na tsy misy hafa iray, afaka mamokatra an'izany ankoatry ny fitarihan'ny Fanahy Masina. Fa isika dia nanao sekoly, isika dia nanao seminera, ary nanao rafi-pandaminana, mba-mba hahafa-po, sy hitovy amin'ny sisa amin'izao tontolo izao.

⁷³ Ankehitriny, ny Fanahy Masina no Mpitarika tao amin'ity firenena ity fahiny. Ity firenena ity fahiny dia nentina rehefa tany . . . rehefa nanoratra ny fanambarana ny fahaleovantena izy ireo. Ary nisy sezà iray amboniny nipetraka tany. Tsy nisy pentin'ny fisalasalana iray ao an-tsaiko afa-tsy hoe ny Zanak'Andriamanitra no nipetraka teo amin'io latabatra io, rehefa niorina teo ambonin'ny fitsipiky ny fahalalahana'ny fivavahana sy ny fahalalahana'ny rehetra ity firenena ity, ary teo amin'ny fototry ny Tenin'Andriamanitra Mandrakizay.

⁷⁴ Fa nosimbaintsika izany. Ireo politika; nify lehilahy isika tao, teo ambanin'ny fividianana sy fivarotana, ary ireo fampanantenana sandoka. Hany ka . . . Ny firenentsika, sy ireo politikantsika, ary ny demokrasiantsika, dia tena voaloto hany ka izany dia-izany dia nifangaro tamin'ny kominisma sy ireo karazana isma rehetra.

⁷⁵ Ary matetika isika no manokatra an'ireo fivoriana amin'ny vavaka, rehefa mihaona ireo fikambanam-pirenena, ary nisy . . . na hanana adi-hevitra. Fa tao amin'ny fotoana iray, lehibe, vao tsy ela, dia tsy nisy fotoana iray akory aza nanaovana vavaka. Ahoana no mba handaminantsika an'ireo fahasamihafana tsy misy vavaka? Ahoana no mba hanantenantsika, ao amin'izao tontolo rehetra izao, mba hanao zavatra tsy misy ny fitarihan'ny Fanahy Masina?

⁷⁶ Fa mamele ahy hilaza an'izao amin'ny fitiavana sy fanajana ho an'ny firenentsika sy ho an'ny sainany, ary ho an'ny repoblika izay ijoroany. Nandà ny Mpitarika antsika isika, ny Fanahy Masina, ary tamin'ny alàlan'ireo politika lò no nampidirantsika lehilahy simba saina. Ary raha tsy mitandrina ianareo, dia hanao ny iray amin'ireo fahadisoana mahafaty indrindra izay hany nataony izy ireo, izao ankehitriny izao, izany dia satria ny olona no maniry ny olona hanapaka.

⁷⁷ Ny ilaintsika ao amin'ny renivohitr'ity Etazonia ity, ho filoha iray, ny ilaintsika ao amin'ny Kongresy, ny ilaintsika ao amin'ireo efitranon'ny fitsarantsika, dia lehilahy izay nanokana ny tenany ho an'Andriamanitra, ary feno ny Fanahy Masina, ary tarihin'ny Fitarihany Masina. Saingy, raha tokony ho izany, dia mifidy lehilahin'ny fahaizana isika, lehilahy izay manana "ny endriky ny toe-panahy araka an'Andriamanitra, nefà mandà ny Herin'Andriamanitra," lehilahy izay ateista, ary indraindray aza dia ratsy kokoa noho izany, no nampidirintsika ao amin'ireo faritra ara-politikantsika, an'ny firenentsika.

⁷⁸ Tsy izany ihany, fa ao amin'ireo fiangonantsika. Ny fiangonantsika dia lasa simba eo amin'ny fotra izay isika, amin'ny fididianana an'ireo mpiandry ondrintsika hitarika antsika, nandeha nankany amin'ireo seminarisika ka nifantina lehilahy izay olombe malaza mahay, lehilahy izay tena mamiratra ao amin'ny saina, lehilahy izay nianatra, sy mpifanerasera malaza amin'ny olona, ary lehilahy malaza eo amin'ny fiaraha-monina, fa tsy manana na inona na inona ho lazaina manohitra an'izany aho. Lehilahy izay tsara fanahy eo amin'ny fomba fandehany, mitandrina tsara ao amin'ny fomba fiainany, ary toy ny ahoana no itondran'izy ireo ny tenany eo anivon'ireo lehilahy hafa, sy eo anivon'ny olona, lehilahy malaza eny amin'ny sahany, izay tsy itenenako ratsy. Andriamanitra anie hananatra mba tsy ho ratsy tahaka an'izany ny fanahiko. Saingy, mbola, tsy izany nonofidian'Andriamanitra ho antsika.

⁷⁹ Ilay izy dia ny fitarian'ny Fanahy Masina: Kristy ao am-pon'ny olona. Maro amin'ireo lehilahy mahay izay mijoro eo amin'ny polipitrantsika no mandà an'ilay tena fisian'ny Fanahy Masina. Maro amin'izy ireny no mandà ny fisian'ny fanasitranana avy amin'Andriamanitra sy ny Herin'ny Fanahy.

⁸⁰ Namaky lahatsoratra iray aho, omaly, mino aho fa izay ilay izy, andiana tapa-gazety iray mikasika an'i Jack Coe, itompokolahy Jack Coe, ilay...iray amin'ireo ahy niova fo ho an'ny Tompo Jesosy, izay lehilahy mahery fo, tamin'ny androny. Ary nantsoina izy mba hanontaniana, tany Florida, nohon'ny fangatahana tamin'ny ankizy tanora iray mba hanala ny fitaovaly teo amin'ny ranjony, ka handeha manerana ny lampihazo. Ary teo amin'ny fanaovana an'izany, dia nandeha nanerana ny lampihazo ilay ankizy, ara-dalàna, ary nianjera rehefa tonga teo amin'ny reniny. Ny rehetra dia tetika iray

an'ilay fahavalon'i Kristy, ity vehivavy tanora sy ny vadiny ity dia nitondra ny rahalahinay mahery fo nankao amin'ny fitsarana an'ny firenena.

⁸¹ Ary nefà tokony nanohana an-dRahalahy Jack ny fiangonana rehetra, nefà ny lehilahin'ny fiangonana rehetra izay manonona ny Anaran'i Jesosy Kristy dia tokony nitsangana teo anilany, tamin-kerim-po, ny olona rehetra izay miantsy ny Anaran'ny Tompo Jesosy dia tokony ho nandohalika tamin'ny lohaliny tao amin'ny vavaka. Fa, raha tokony ho izany, nanerana an'ireo lohatenin'ny gazety, ny iray tamin'ireo anaram-piagontantsika malaza dia nilaza fa nifampitantana tamin'ireo ateista izy ireo, mba hanameloka, hanagadra an-dRahalahy Jack Coe. Azonareo eritreretina ve hoe ny fiangonana iray, miantsy ny tenany ho ny Anaran'i Kristy, dia hifampitantana amin'ny ateista iray, mba hanameloka lehilahy masina iray izay niezaka tamin'ny fony rehetra hanohana ny Baiboly? Saingy nataon'izy ireo izany.

Ary tamin'izay fotoana izay dia tonga namonjy i Rahalahy Gordon Lindsay.

⁸² Ary rehefa nilaza ilay mpitsara tsy mino hoe, “Mpisandoka iray ity lehilahy ity satria nanala an'ireo fitaovana teo amin'io ankizy io izy ary nandefa azy nanerana ny lampihazo, ka nilaza fa izy dia ‘sitrana.’ Fa nandainga izy, ary nanao zavatra nifanohitra tamin'ny holafitry ny dokotera, noho izany dia manana raharahanam-pisandohana iray izy manohitra azy.”

⁸³ Ary nitsangana Atoa. Coe, ka hoy izy hoe, “Tompoko, manohitra an'izany filazana izany aho. Nanasitrana an'ilay zazalahy Andriamanitra.”

⁸⁴ Dia hoy ilay mpitsara hoe, “Hanontany ny olona rehetra ato amin’ity fitsarana ity aho raha mety ho marina izany filazana izany, hoe Andriamanitra dia afaka nanasitrana an’io zazalahy io teny amin’ny tendro iray an'ilay lampihazo, nefà namela azy harary teny amin'ilay tendro hafa. Raha afaka ho voaporofon’ny Baiboly izany filazana izany, amin'izay fotoana izay dia hilaza aho fa manana zo iray ho an'ny filazany Atoa. Coe.”

⁸⁵ Dia nanangana ny tànany ny mpitoriteny iray, ka hoy izy hoe, “Manaja anao, tompoko, afaka milaza an'ilay izy ve aho?”

Dia hoy ilay mpitsara hoe, “Lazao.”

⁸⁶ Dia nitsangana tamin'ny tongony ilay mpitoriteny, ka nanao hoe, “Indray alina, teo amin'ny ranomasina nisamboaravoara iray, rehefa saiky lasa tany amin'ny farany ambany ny sambo kely iray, lasa ny fanantenana rehetra ny amin'ny ho voavonjy. Nahita an'i Jesosy izy ireo, ilay Zanak'Andriamanitra, tonga nandeha teo ambonin'ny rano. Ary ny iray tamin'ireo apostoly, tamin'ny anarana hoe Petera, dia nanao hoe, ‘Raha Ianao io, Tompo, dia asao aho hanatona Anao eo ambonin'ny rano.’” Dia hoy izy hoe, “Hoy ny Tompo tamin'ny apostoly Petera hoe, ‘Avia.’

Ary nivoaka avy tao amin'ilay sambo izy, tompoko, ka nandeha tsara tahaka an'i Jesosy mihitsy, nandeha teo ambonin'ilay rano. Saingy rehefa natahotra izy, dia nanomboka nilentika talohan'ny nataongavany teo amin'i Jesosy."

Hoy ilay mpitsara hoe, "Rava ny raharaha."

Mila ny fitarihan'ny Fanahy Masina isika, fa tsy lehilahy mahay.

⁸⁷ Saoly, ilay zanakalahin'i Kisy, dia natao kapiteny teo amin'ny olona arak'izany, ary nitondra lehilahy roa arivo izy, ary Jonatana nitondra arivo. Ary nandeha nankany amin'ny toby miaramila iray i Jonatana ka namely andiana Amonita, Amonita, raha ny marina. Ary rehefa—rehefa namely azy ireo izy, dia nitsoka trompetra i Saoly, ka nanao hoe, "Hitanareo izay nataon'i Saoly." Nanomboka nibontsimbontsina izy.

⁸⁸ Vantany vao lasa Dokotera momba an'Andriamanitra malaza iray mihitsy ny lehilahy iray, na manana zavatra kely iray aorian'ny anarany, dia lasa mihoatra, na latsaka, mahay ny rehetra iray izy.

⁸⁹ Ireo lehilahin'Andriamanitra dia lehilahy manetry tena. Ny olon'Andriamanitra dia olona manetry tena. Rehefa mahita olona iray ianareo izay milaza fa nandray ny Fanahy Masina izy ireo, ary manomboka manasaraka ny tenany, toy ny hoe, tsy manana Finoana, mandeha eo amin'ny, miezaka ny ho zavatra iray izay tsy maha-izy azy ireo, dia tsarovy fotsiny, fa tsy nandray ny Tompo Jesosy izy ireo.

⁹⁰ Avy eo dia hitantsika fa niditra ny fahavaloo. Ary ho tonga ao amin'ilay andiany kely an'ny olon'Andriamanitra izy, ary hanongotra ny maso ankavanana'ny lehilahy rehetra.

⁹¹ Izany foana no ezahan'ny fahavaloo atao, dia ny manongotra ny maso anankiroa, raha vitany, mba tsy ahafahan'ny olona mahita an'izay ataon'izy ireo. Izany no ataon'i Satana amin'ny Kristiana rehetra amin'izao andro izao, manongotra ny fahitany ara-panahy, mba ahafahany hanaraka ny dikany ara-tsain'ireo zavatra fotsiny ihany, fa tsy ny dikan'ny Fanahy Masina izay mitarika azy.

⁹² Koa noho izany rehefa nanao an'izany izy ireo, rehefa tonga ilay faharesena lehibe, tamin'izay fotoana izay dia nititetetika omby lehibe roa i Saoly ka nalefany nankany amin'ny olona rehetra izy ireo. Ary maniry aho ny hanamarihanareo eto, rehefa nandefa an'ireo amphan'omby ireo tany amin'ny Isiraely rehetra i Saoly, ka nanao hoe, "Aoka ny lehilahy rehetra izay tsy hanaraka an'i Samoela sy i Saoly, aoka izy, ity omby ity, ho tahaka an'ity." Hitanareo ve hoe mamitaka toy ny ahoana no niezahany naneho ny tenany niaraka tamin'ilay lehilahin'Andriamanitra? Toy ny—tsi-kristiana toy ny ahoana ilay izy! Ny tahotry ny olona dia noho i Samoela. Saingy nasain'i Saoly nanaraka azy izy rehetra ireo satria natahotra

an'i Samoela ny olona. "Aoka izy ireo hanaraka an'i Samoela sy i Saoly."

⁹³ Ary impiry, amin'izao andro izao, no efa nandrenesantsika an'izany! "Izahay no Fiagonana malaza. Izahay no Fiagonan'i Kristy. Izahay no Fiagonan'Andriamanitra. Izahay no—no *izao-sy-izao*." Izany no manao ny olona hanan-tahotra, ary mihevitra fa ao amin'izany marina tokoa no miasa Andriamanitra. Ary tsy mila ny fitariany'ny Fanahy Masina izy ireo. Aleon'izy ireo manaraka lehilahy tahaka an'izany, satria tian'izy ireo ny miaina amin'ny fiainany isam-batan'olona manokana. Tian'izy ireo ny hino an'izay tian'izy ireo hinoana.

⁹⁴ Hitanareo ve? Ny Fanahy Masina no Mpitsarantsika. Tsy nanome papa iray antsika mihitsy Andriamanitra, na eveka iray, na olona iray, mba ho Mpitsara iray. Ny Fanahy Masina, ilay Olon'Andriamanitra, amin'ny endrika Fanahy Masina, no Mpitsarantsika sy Mpitari-dàlantsika. Ankehitriny, nahoana izany?

⁹⁵ Mamelà azafady an'ity fiteny henjana, ary henjana indrindra ity. Tsy fanahy iniako ny ho tahaka an'izany. Milaza an'izany amin'ny fitiavana aho.

⁹⁶ Fa ny Fanahy Masina dia milaza fa ratsy ho an'ny vehivavintsika ny manapaka ny volony. Ary ratsy ho an'ny vehivavintsika ny manao sorta sy pataloza, sy mandoko ny molony sy ny tarehiny amin'ny loko. Ny Fanahy Masina no milaza fa ratsy izany.

⁹⁷ Saingy mila lehilahy hiteny amintsika isika fa mety tsara izany, "Raha mbola manaraka ahy sy i Samoela foana isika." Tian'izy ireo ny miaina mandritry ny enina andro, amin'ny fomba izay tian'izy ireo iainana, ary mandeha any am-piagonana ny Alahady maraina. Ary mahay tsara iray manana diploma'ny kolejy sy feno diploma'no afaka hiteny toriteny kely iray amin'izy ireo izay ho... vazivazy vitsivitsy ao anatin'izany, izay hanitikitika ny sofin'izy ireo ka hanao azy ireo ho falifaly, tahaka ny sarimihetsika iray na fandaharan'ny televiziona. Ary milaza vavaka kely iray eo amin'izy ireo, ka mandefa azy ireo hody miaraka amin'ny karazan'ny—ny fiarovan-tena mahafapo iray hoe nahavita ny fivavahany izy ireo. Tsy izany no sitrapon'ny Fanahy Masina.

⁹⁸ Ny Fanahy Masina dia mila anareo hiaina masina, amin'ny andro rehetra amin'ny herinandro, sy alina rehetra, manasaraka ny tenanareo amin'ireo zavatr'izao tontolo izao.

⁹⁹ Saingy tsy mila an'izany ilay fiagonana. Mila lehilahy iray izy ireo izay afaka—izay afaka handika ny Baiboly amin'ny fomba izay itiavan'izy ireo handrenesana Azy. Tsy hihaino ny feon'ny Fanahy Masina miresaka amin'ny alàlan'ny Baiboly izy ireo. Maro amin'izy ireo no te-hilaza hoe, "Efa lasa ireo andron'ny fahagagana." Izany no manitikitika ny olona. Tian'izy

ireo ny milaza hoe, “Tsy misy ny batisan’ny Fanahy Masina.” Tsy te-hihetsika hafa mihitsy noho izay ihetsehan’ny sisa amin’izao tontolo izao ny olona. Tsy te-handeha eny an-dàlambe izy ireo ka manao ny tarehiny voasasa, ary—ary ireo lehilahy miaraka amin’ny endrika madio, fa tsy sigara no eny am-bavany, ary—ary ireo sigara, sy pipa, sy—sy ireo zavatra izay ataon’ireo lehilahy. Ary ny vehivavy dia mila ny volony ho tapaka tena fohy, ary—ary manao akanjo kely, sy maneho ny bikan’izy ireo, sy ireo zavatra izay tiandy. Izy ireo—mila lehilahy izy ireo hiteny aminy hoe, “Mety tsara izany.”

¹⁰⁰ Noho izany, indray hariva, indro tonga ny lehilahy iray niteny tamiko, fa satria nitory teny nanohitra an’izany aho, ka anaram-piangonana malaza iray, teo amin’ny dimy tamin’izy ireo, no nanao hoe, “Havelanay Rahalahy Branham ka tsy hisy idiranay aminy. Na ianao hisintonia an’ireny horonam-peo ireny, ka hiala tsiny ny amin’izy ireny, na ianao havelanay.”

¹⁰¹ Hoy aho hoe, “Hijoro miaraka amin’ny Tenin’Andriamanitra aho. Raha mila ny zavatra rehetra izay ao amin’ny fiainako izany, dia hijanona miaraka amin’ny Teny aho. Ary izaho . . .”

Hoy izy, “Eny, tsy tokony hisintonia ny horonam-peo *izao-sy-izao* ve ianao?”

¹⁰² Hoy aho hoe, “Tsy mbola nitory zavatra iray mihitsy aho, teo amin’ny fiainako, izay nahamenatra ahy. Tsy hisintonia horonam-peo aho na fandraisam-peo. Hijanona miaraka amin’izay lazain’ny Fanahy Masina aho. Fa velona sy maty amin’izany aho.” Tsy mizezaka milaza ny tenako aho ankehitriny. Fa mizezaka fotsiny aho ny manome anareo kisarisary iray an’izay miseho, mba hahitanareo sy hahazoanareo. Ny olona no te-ho tarinhin’ny olona.

¹⁰³ Tsy nila an’i Samoela izy ireo. Noho izany talohan’ny nanosoran’izy ireo an’i Samoela ho mpanjaka . . . na i Saoly, ho mpanjaka, mamelà ahy, dia nanatona azy ireo indray i Samoela. Ary hiteny fotsiny ao amin’ny fiteny tahaka ny hilazany azy amin’izao andro izao aho. Afaka mamaky an’izany ianareo. Hoy izy hoe, “Inona ny olana raha Andriamanitra no Mpanjakanareo?”

“Eny, tsy mahita an’Andriamanitra izahay.”

¹⁰⁴ “Eny, izaho no Solontenany.” Hoy i Samoela. “Efa mba nilaza zavatra diso taminareo ve aho? Efa mba naminany zavatra ve aho ka tsy nitranga mihitsy araka ny nilazako azy fa hitrangany? Tsy niteny taminareo ny Tenin’ny Tompo ve aho? Ary hanontany anareo an’ity aho. Efa mba tonga teo aminareo ve aho ka nangataka ny volanareo? Efa mba naka zavatra taminareo ve aho? Efa mba nitondra zavatra taminareo ve aho afa-tsy ny HOY NY TOMPO HOE avy hatrany? Ary Andriamanitra no nanamarina an’izany, isan’andro, fa izany no Fahamarinana.” Ary nandefia kotro-baratra sy orana Izy (Fantatrareo ny Soratra,

ianareo, teo no ho eo mihitsy.) mba hanaporofo fa Samoela no vavan'Andriamanitra.

¹⁰⁵ Ary satria Samoela no naneho tanteraka tokoa, amin'izao andro izao, ny Fanahy Masina. Ny Fanahy Masina no vavan'Andriamanitra izay miteny marina tokoa an'izay lazain'ny Baiboly, izay mino mihitsy an'izay nolazain'ny Baiboly, ary tsy hihodina amin'Izany, na kely aza.

¹⁰⁶ Saingy nila olona iray izy ireo izay afaka niteny hafa tamin'izy ireo. Ary tsy afaka nilaza ny olona fa tsy tanteraka ny faminanian'i Samoela. Namaly izy ireo ka nanao hoe, "Ry Samoela, izay rehetra noteneninao tamin'ny Anaran'ny Tompo, dia ny Tompo no nanao azy hiseho arak'izay nolazaina mihitsy. Tsy nisy kilema anankiray. Tsy tonga teo aminay mihitsy ianao ka nangataka taminay ny volanay. Niantoka ny tenanao ianao. Tsy nangataka taminay mihitsy ianao mba hanao zavatra lehibe, malaza ho anao. Natoky ny Andriamanitrap ianao, ka Izy no nanafaka anao tamin'ny zavatra rehetra. Ary marina ireo teninao. Ny zavatra rehetra izay noteneninao tamin'ny Anaran'ny Tompo dia nisy mihitsy arak'izay nolazaina. Saingy mbola mila mpanjaka iray foana izahay."

¹⁰⁷ Afaka mahita an'ilay fifanoherana ve ianareo? Afaka ve ianareo—hitanareo ve ilay—ilay hafetsen'ny devoly, afaka miasa eo amin'ny olombelona? Raha tokony hanolotra ny tenany na ny tenany ho an'ny Fanahy Masina, ka hihaino ny hoe HOY NY TOMPO HOE, ho an'ny fiainana iray madio, toetra iray tsy voaloto, ho an'ny fiainana iray hafa, olona iray manokana, firenena masina iray, olona iray mahatsikaiky fihetsika; dia naleon'izy ireo nitovy tamin'izao tontolo izao, sy mihetsika tahaka an'izao tontolo izao, ary mandeha any amin'ny fiangonana iray izay milaza hoe, "Mety tsara izany, mihetseha tahaka an'izany fotsiny dia manohiza."

¹⁰⁸ Mety hitanareo ve hoe inona izany? Hoy izy ireo hoe, "Tsy misy izany hoe fanasitrana izany. Oh, ny batisan'ny Fanahy Masina dia fitaovam-pananganan-trano iray ho an'ny fiangonana." Amin'ny teny hafa, avy eo dia naka lehilahy Andriamanitra, nanala ny Fanahy Masina tao amin'ilay Fiangonana, ary namela ny anaram-piangonana hanorina an'Izany. Tsia mihitsy, tsia mihitsy. Tsy misy ny zavatra tahaka an'izany. Ny Fanahy Masina, ny Tenin'ny Fahamarinana, no tsy maintsy mitari-dàlana anareo mandra-pihavin'i Jesosy. Saingy tahaka an'izany no—no nandehanany.

¹⁰⁹ Tonga teo amin'ny fahefana i Saoly. Izy betsaka... Nahazo mpanaraka betsaka izy. Oh, nanana fitaovam-piadiana tsara tarehy izy. Nanana mpihira izy. Nanana ampinga izy, ary nanana lefona. Oh, nataony nanjavona ny sisa rehetra tamin'ireo firenena. Ary nitondra azy ireo tao anatin'ny demokrasia iray izy izay tany ankoatry ny zavatra rehetra izay hany ren'ny olona.

¹¹⁰ Ary izany marina tokoa no nataon'ireo anaram-piagonantsika sy ireo fiangonana amin'izao andro izao. Manana an'ilay tranobem-piagonana goavana indrindra eto amin'izao tontolo izao isika. Manana ny olona miakanjo tsara tarehy indrindra eto amin'izao tontolo izao isika. Manana an'ireo mahay ambony indrindra izay azo entina isika.

¹¹¹ Tahaka an'ireo lehilahin'i Saoly niofana izay afaka maka an'io lefona io, ary afaka nanetsiketsika azy sy nampiasa azy hany ka natahotra azy ireo ny firenena. Olona voaofana izy ireo, sy ny rehetra. Saingy, indray andro, dia tonga ny fotoana iray izay nivoahan'ny mpihaika iray. Ary tena nanaaitaitra ny tafika Isiraelita manontolo izany hany ka nitsangana izy ireo, nangovitra tao amin'ny kirarony. Nanao fihaihana iray tamin'izy ireo i Goliata hoe, "Raha ny Andriamanitraise no lazainareo fa hoe misy Izy! Ianareo no tsara hofana indrindra." Dia nihaika azy ireo izy. Tsy fantatr'izy ireo izay hatao. Ireo fitaovam-piadian'izy ireo tsara, namiratra dia tsy hety. Tsy hety ireo lefon'izy ireo. Nisy zavatra izay tsy mbola ren'izy ireo, tany aloha, izay niseho.

¹¹² Ary miaraka amin'ny fanajana sy fankatoavana masina rehetra, ary haja sy voninahitra, sy fitiavana ary fiombonana Kristiana, no ilazako an'ity. Namaky aho, indray andro, tao amin'ny gazety Afrikana iray, hoe ny zanakalahin'i Kisintsika, ny mpihaikantsika an'ny fitoriana filazantsara, rehefa nihaika azy ny Mohametana iray, Billy Graham. Hoy izy, "Raha Andriamanitra ny Andriamanitraise, dia aoka Izy hanasitrana ny marary tahaka ny Nolazainy fa Hataony." Ary ilay zanakalahin'i Kisy, niaraka tamin'ny sisa tamin'ilay tafika, dia nampangina ny tenany ary nandao an'ilay firenena, resy. Fahafaham-baraka iray izany. Andriamanitra ny Andriamanitsika.

¹¹³ Manana an'ireo fiangonantsika tsara isika. Manana fitoriana filazantsara mahafinaritra isika. Manana ny mpihirantsika karamaina isika. Manana ny antoko mpihira tsara indrindra isika; ireo tendron-tilikambo avo indrindra ao amin'ny firenena. Manana an'ireo lehilahy tsara indrindra isika, ny sasany avy amin'ireo manam-bola indrindra. Manana ny mahay isika. Manana teolojia hatrany amin'ny tendrony isika; afaka mitory an'izany isika; afaka miteny an'izany isika. Afaka mitory filazantsara sy mampiditra ny olona isika, ka mahazo antapitisany isan-taona, an'ireo niova fo, ao amin'ny fiangonana. [Elanelana tsy voaraki-peo—Mpand.] Ireo mpihirantsika karamaina, ireo fitoriana filazantsarantsika ara-tsaina, dia tsy mahafantatra hoe ahoana no hihaonana amin'ny fihaihana iray tahaka an'izany. Tsy mahafantatra na inona na inona amin'izany izy ireo. Tsy mahafantatra na inona na inona amin'ny herin'ny Fanasitraranany izy ireo, an'ny batisan'ny Fanahy Masina, an'ny Hery izay afaka maka aloky ny lehilahy iray eo am-pahafatesana miaraka amin'ny homamiadana, ka manafaka

azy. Tsy mahafantatra na inona na inona amin'izany izy ireo. Tsy nofanina tao amin'izany saha izany izy ireo, tahaka an'i Saoly sy ny vondrony nataon'olona.

¹¹⁴ Fa mamela ahy hilaza amin'ny olon'Andriamanitra, sy aminareeo ankizy, mba ahafantaranareo fa tsy mamela anareeo tsy misy vavolombelona mihitsy Andriamanitra.

¹¹⁵ Tsy nahafantatra, ho an'i Saoly, tsy nahafantatra na inona na inona mikasika an'izany i Saoly. Saingy Andriamanitra dia nanana Davida kely iray tany ambadiky ny havoana tany ho any, izay tsy namahana ondry teo amin'ireo ahi-dratsy arapivavahana. Nitarika azy ireo teo amoron'ny rano velona sy tao amin'ny ahi-maitso izy. Niahya tanteraka ny ondrin'ny rainy izy. Ary raha nisy zavatra anankiray niditra, fahavaloo iray, mba handramby ny iray amin'ny ondrin'ny rainy, dia fantany ny Herin'Andriamanitra hanafaka an'io ondry io.

¹¹⁶ Mbola manana Davida iray foana Andriamanitra, any ho any, izay mahafantatra ny dikan'ny hoe manafaka ny iray amin'ny ondrin'Andriamanitra, amin'ny alàlan'ny Herin'Andriamanitra. Izy dia mbola mahafantatra foana ny rehetra mikasika an'izany.

¹¹⁷ Natoky izy. Tsy nahafantatra na inona na inona mikasika ny fitaovam-piadian'i Saoly izy, sady tsy nila ny iray tamin'izany koa. Tsy nila ny iray tamin'ireo anaram-piangonany izy. Tsy nila an'ilay fitaovam-piadiana tranainy ho eo aminy izy. Hoy izy hoe, "Tsy mahafantatra na inona na inona mikasika an'izany aho. Fa avelao aho handeha ao amin'ilay Hery izay fantattro." Efa namahana ny ondrin'ny rainy izy. Efa nikarakara an'ireo ahitira izy. Efa nanome azy ireo ny karazan-tsakafo tsara izy, ary velona sy nitombo izy ireo.

¹¹⁸ "Tsy ny mofo ihany no hiveloman'ny olona. Fa ny Teny rehetra izay aloaky ny vavan'Andriamanitra, no hiveloman'ny olona." Ilay MPIANDRY ondry marina no mamahana azy ireo. "Jesosy Kristy no tsy miova omaly, anio, ary mandrakizay." Ary raha mandramby anankiray ny fahavaloo, ao amin'ny aretina, dia fantany ny Herin'Andriamanitra.

¹¹⁹ Jereo i Davida kely, nitsangana teo. Hoy izy, "MPIADY iray io zalahy io, hatramin'ny nahaterahany. Ary hatramin'ny fahatanorany, dia tsy nahafantatra afa-tsy lefona sy fitaovam-piadiana izy. Tsara hofana izy. Teolojiana iray izy. Nefy ianao tsy mahafantatra na inona na inona mikasika an'izany."

¹²⁰ Hoy izy hoe, "Marina izany, tompoko. Tsy mahafantatra na inona na inona mikasika ny fiofanany ara-teolojia aho. Saingy misy zavatra anankiray izay tena fantattro, hoe, rehefa tonga ny fahavaloo iray, mba haka ny anankiray amin'ny ondrin'ny raiko, dia nandeha niaraka tamin'ny Herin'Andriamanitra aho. Nanafaka azy aho. Nitondra azy voaaro niverina tamin'ny fahasalamana tsara indray aho. Nitondra azy niverina teo

amin'ny ahi-maitso malomaloka sy ireo rano velona aho. Ary ilay Andriamanitra izay nanolotra ny liona teo an-tànakao, ka novonoiko izy rehefa naka ny anankiray tamin'ireo—ireo zanak'ondry, ary namela ahy hamono an'ilay bera Izzy, dia toy izany koa no handehanan'ilay Andriamaniry ny Lanitra miaraka amiko hamono an'io Filistina tsy mifora io."

Mila ny fitarihan'ny Fanahy Masina isika. Tsy fantatroy ireo androko; tsy misy anankiray mahafantatra.

¹²¹ Indray maraina dia nandry teo amin'ny fandriako aho. Ary izaho dia...natory aho, ary nanonofy hoe narary i Joseph, ka notrotroiko izy mba hivavahana ho azy. Ary rehefa nifoha aho, dia tena ketraka aho. Hoy aho hoe, "Eny, angamba harary i Joseph."

¹²² Dia nijery aho, nandeha teo alohako, tao amin'ny aloka kely, maity, loko volontany raha ny marina. Ary toy ny hoe izaho ilay izy. Ary nodinihako izany. Ary Olona fotsy iray no tonga taoriany, ary Izzy izany. Ary nijery ny vadiko aho, mba hahita raha nifoha izy, mba ahafahako maneho aminy, ahafahany mahita an'ilay fahitana. Saingy natory izy.

¹²³ Hoy aho hoe, "Oh, miala tsiny aho, Tompo. Fa, ny fiainako io. Tsy maintsy nanosika ahy tao amin'ny zavatra rehetra izay nataoko Ianao. Isaky ny nisy zavatra nitranga, dia nihevitra aho fa Ianao no nanao an'izany. Nefa fantatroy fa i Satana no niezaka nanakana ahy tamin'izany." Hoy aho hoe, "Raha afaka nitarika ahy fotsiny mantsy Ianao" Ary rehefa nijery aho, dia nahita endrika tsara tarehy indrindra izay hany hitako teo amin'ny lehilahy iray. Izzy dia teo anoloako, nijery nankany aoriana. Nanangana ny Tânany Izzy ary nandray ny ahy, ka nanomboka nandeha tamin'ity làlana ity. Niala tamiko ilay fahitana. Tamin'ny Alahady maraina lasa, izaho dia, nifoha aloha be aho. Ity dia ny Sabotsy, io fahitana io. Teo...

¹²⁴ Natahotra foana aho, nieritreritra ny amin'ny hoe maty foana aho. Izany, izaho efa dimampolo taona, izany dia, ny fotoako dia tsy...tsy nihevitra aho fa ho ela loatra. Ary nanontany aho hoe ho inona aho amin'io teofania io, vatan-danitra. "Hisy ve ny hoe hahita an'ireo sakaizako sarobidy aho ka, atao hoe, mandalo ny zavona fotsy kely, ka manao hoe, 'Ivy fa mandeha Rahalahy Neville,' na, tsy afaka hilaza izy hoe, 'Akory, Rahalahy Branham'? Ary rehefa tonga Jesosy, amin'izay fotoana izay dia ho olona indray aho." Nieritreritra an'izany matetika aho.

¹²⁵ Nanonofy aho hoe tany Andrefana aho. Ary nandalo teo amin'ny toerana misy voly manim-pofona iray aho, ary niaraka tamiko ny vadiko, ka nanjono truite izahay. Dia nianona aho ka—ka nanokatra an'ilay vavahady. Ary tena tsara tarehy ireo lanitra. Izzy ireo dia tsy tahaka ny ataon'izy ireo eto amin'ilay lohasaha eto. Manga izy ireo, ary ireo rahona fotsy tsara tarehy.

Dia nilaza tamin'ny vadiko aho, hoy aho hoe, "Isika dia tokony ho efa teto, hatramin'ny ela be, ry malala." Hoy izy hoe, "Nohon'ny amin'ireo ankizy, dia tokony ho izany isika, ry Billy." Hoy aho hoe, "Izany dia . . ." Dia nifoha aho.

¹²⁶ Nieritreritra aho hoe, "Nanonofy be loatra aho! Manontany aho hoe nahoana?" Dia njery aho, ka nandry teo akaikiko izy.

¹²⁷ Ary niankina teo amin'ny ondako aho, araka ny anaovan'ny maro aminareo olona azy, nametraka ny lohako teo amin'ny—ny loham-pandriana, ary nametraka ny tànako taoriako. Ary nandry teo aho tahaka an'izao. Dia hoy aho hoe, "Eny, manontany fotsiny aho hoe ho toy ny inona izany, ilay ilany hafa. Efa dimampolo taona aho, nefy tsy mbola nahavita na inona na inona. Raha afaka hanao zavatra fotsiny mantsy aho mba hanampy ny Tompo, satria fantatroy tsy ho mety maty aho. Lasa ny antsasaky ny fotoako, farafahakeliny, na mihoatra ny antsasany. Raha velona mba ho antitra tahaka ny oloko aza aho, dia mbola ny antsasaky ny fotoako foana no lasa." Dia njery manodidina aho. Ary nandry teo aho, niomana ny hitsangana. Teo amin'ny fito ora teo izany. Hoy aho hoe, "Mino aho fa handeha any am-piagonana aho, izao maraina izao. Raha farim-peo aho, dia tiako ny handre an-dRahalahy Neville history teny."

¹²⁸ Noho izany dia hoy aho hoe, "Mifoha ve ianao, ry malala?" Ary tena natory lalina izy.

¹²⁹ Ary tsy tiako ianareo ho diso an'ity. Izany no nanova ahy. Tsy mety ho ilay Rahalahy Branham iray ihany izay nahe-izy ahy aho.

¹³⁰ Dia njery aho. Ary nandre Zavatra aho, nanohy nanao hoe, "Vao manomboka ianao. Tohizo ilay ady. Manohiza mandroso fotsiny."

¹³¹ Nahetsiketsiko iray minitra ny lohako. Nieritreritra aho hoe, "Eny, izaho fotsiny angamba no mieritreritra an'ity." Fantatrareo, afaka mahazo fisaintsainana sasantsasany ny olona iray. Dia hoy aho hoe, "Izaho fotsiny angamba no nisaintsaina an'izany."

Hoy Izany hoe, "Tohizo ilay ady. Manohiza mandeha. Manohiza mandeha."

¹³² Hoy aho hoe, "Angamba izaho no nilaza an'izany." Ary napetrako teo anelanelan'ny nifikox ny molotro, ary napetrako teo amin'ny vavako ny tànako.

¹³³ Ary indro tonga indray Izany, nanao hoe, "Manohiza mandroso fotsiny. Raha fantatrapa fotsiny mantsy hoe inona no any amin'ny faran'ilay lâlana!"

¹³⁴ Ary toy ny hoe nandre an'i Graham Snelling aho, na olona iray, izay nihira an'ilay hira tahaka an'ity. Mihira an'izany izy ireo eto, Anna Mae sy ny rehetra aminareo rehetra.

Manina sy sorena aho, ka te-hahita an'i Jesosy.
 Tiako ny handre an'ireo lakolosin-tseranana
 mamy mampiara-peo.
 Hanazava ny lalako izany ary hampanjavona ny
 tahotra rehetra.
 Tompo, avelao aho hijery ny any ambadiky ny
 lamban'efitry ny fotoana.

Efa nandre an'izany nohiraina teto amin'ny fiangonana ianareo.

¹³⁵ Ary nandre Zavatra aho nanao hoe, “Tianao ve ny hahita fotsiny ny any ankoatry ny lamban'efitra?”

Hoy aho hoe, “Hanampy ahy betsaka izany.”

¹³⁶ Dia njery aho. Tao anatin'ny fotoana iray fotsiny, izaho... Fofon'aina iray dia tonga tao amin'ny Toerana kely iray izay nitongilana aho. Nijery tany aoriana aho, ary teo aho, nandry teo ambonin'ilay fandriana. Dia hoy aho hoe, “Zavatra hafahafa ity.”

¹³⁷ Ankehitriny, tsy tiako hamerina an'ity ianareo. Ity dia eo anatrehan'ny fiangonako, na ny ondriko izay andrasako. Raha izay ilay izy, tao anatin'ity vatana ity aho na tany ivelany, na famindrana iray ilay izy, tsy tahaka ny fahitana rehetra izay hany azoko ilay izy. Afaka njery Tany aho, ary afaka njery teto.

¹³⁸ Ary rehefa tonga teo amin'io Toerana kely io aho, tsy mbola nahita olona betsaka mihitsy nihazakazaka aho, niantsoantso hoe, “Oh, ny rahalahinay sarobidy!”

¹³⁹ Dia njery aho. Ary ireo vehivavy tanora, angamba ao amin'ny fiandohan'ny roapolo taonany, valo ambin'ny folo hatramin'ny roapolo taona, nanipy ny sandriny nanodidina ahy izy ireo, ka niantsoantso hoe, “Ny anadahinay sarobidy!”

¹⁴⁰ Indro tonga ireo lehilahy tanora, tao amin'ny famirapiratan'ny maha-lehilahy tanora. Ary ny mason'izy ireo nanjelanjelatra ary nitovy tamin'ireo kintana ao amin'ny alina maizina iray. Ny nifin'izy ireo dia fotsy tahaka ny perla. Ary niantsoantso izy ireo, sy handramby ahy, ka niantsoantso hoe, “Oh, ny rahalahinay sarobidy!”

¹⁴¹ Dia nijanona aho, ary njery. Ary tanora aho. Nijery tany aoriana teo amin'ny vatako antitra nandry teo aho, niaraka tamin'ny tanako taorian'ny lohako. Dia hoy aho hoe, “Tsy azoko ity.”

¹⁴² Ary nanipy ny sandriny nanodidina ahy ireto vehivavy tanora ireto. Ankehitriny, tena fantatro fa mpanatrika mifangaro ity, ary milaza an'izao amin'ny fahatsarana sy amin'ny fahalemen'ny Fanahy aho. Ny lehilahy dia tsy afaka mametraka ny sandrinareo manodidina ny vehivavy nefy tsy misy fahatsapan'olombelona iray; saingy tsy nisy an'izany Tany. Tsy nisy omaly na rahampitso tany. Tsy nety reraka izy ireo.

Izy ireo dia . . . Tsy mbola nahita vehivavy tsara tarehy tahaka an'izany mihitsy aho teo amin'ny fiainako rehetra. Nanana volo nitsororika hatreny amin'ny valahany izy ireo; zipo lava hatreny amin'ny tongony. Ary namihina ahy fotsiny izy ireo. Izany dia tsy famihinana iray tahaka ny anabaviko manokana akory aza, mipetraka eo, izay hamihina ahy. Tsy nanoroka ahy izy ireo, ary izaho tsy nanoroka azy ireo. Izany dia zavatra izay izaho—izaho tsy manana an'ilay—ilay voambolana, tsy manana an'ireo teny ho lazaina aho. “Fahatanterahana” tsy hahakasika an'izany. “Fatratra” tsy hahakasika an'izany akory aza, na aiza na aiza. Izany dia zavatra izay izaho tsy mbola mihitsy . . . Mila tonga Any fotsiny ianareo.

¹⁴³ Dia njery tamin'ity ilany ity aho, ary *itsy* ilany itsy. Ary tonga izy ireo, aman'arivony. Dia hoy aho hoe, “Tsy azoko ity.” Hoy aho hoe, “Eny, izy ireo . . .”

¹⁴⁴ Ary indro tonga i Hope. Ilay vadiko voalohany izany. Nihazakazaka izy, ary tsy nanao mihitsy hoe, “Ny vadiko.” Hoy izy hoe, “Ny anadahiko sarobidy,” sy rehefa namihina ahy izy. Nisy vehivavy hafa iray nitsangana teo, izay namihina ahy, ary avy eo i Hope dia namihina an'io vehivavy io; ary ny tsirairay avy. Dia nieritreritra aho hoe, “Oh, tsy maintsy ho zavatra hafa ity. Izany dia tsy mety ho . . . Misy zavatra iray . . .” Nieritreritra aho hoe, “Oh, mba te-hiverina ao amin'io vatana antitra io indray ve aho?”

¹⁴⁵ Nijery manodidina aho avy eo. Nieritreritra aho hoe, “Inona ity?” Dia njery aho, tena tsara. Ary izaho—hoy aho hoe, “Izaho—tsy mety azoko ity.” Fa i Hope dia toy ny, oh, nasaina amboninahitra iray. Tsy hoe hafa izy, fa tahaka ny nasaina amboninahitra iray fotsiny.

¹⁴⁶ Ary nandre Feo iray aho avy eo izay nireshaka tamiko, tao amin'ilay efitra izany, nanao hoe, “Izao ilay notorianao hoe ny Fanahy Masina. Izao no Fitiavana tanteraka. Ary tsy misy na inona na inona afaka miditra Eto raha tsy manana an'Izany.”

¹⁴⁷ Tena tapa-kevitra aho, mihoatra noho ny hatramin'izay teo amin'ny fiainako, fa mila ny Fitiavana tanteraka, mba hidirana Any. Tsy misy fialonana. Tsy misy havizanana. Tsy misy fahafatesana. Ny aretina dia tsy afaka mihitsy, Any. Ny fahafatesana; tsy afaka—tsy afaka mihitsy hanao anareo ho antitra. Ary ny . . . Tsy afaka nitomany izy ireo. Fifaliana anankiray fotsiny izany.

¹⁴⁸ “Oh, ry rahalahiko sarobidy!” Ary nitondra ahy izy ireo, ka nametraka ahy teo ambonin'ny toerana avo iray goavana be.

¹⁴⁹ Nieritreritra aho hoe, “Tsy manonofy aho. Mijery any aoriane eo amin'ny—ny vatako mandry eto eo ambonin'ny fandriana aho.”

¹⁵⁰ Ary nametraka ahy teo ambony teo izy ireo. Dia hoy aho hoe, “Oh, tsy tokony hipetraka eto aho.”

¹⁵¹ Ary indro tonga ireo vehivavy sy lehilahy, avy tamin'ny lafiny roa, tao anatin'ny fivelaran'ny hatanorany mihitsy, niantsoantso. Ary nitsangana teo ny vehivavy anankiray, ka niantsoantso izy hoe, “Oh, ny anadahiko sarobidy! Oh, tena faly izahay ny mahita anao Eto.”

Hoy aho hoe, “Tsy azoko ity.”

¹⁵² Ary avy eo io Feo izay niteny io, avy teo amboniko, dia nanao hoe, “Fantatrao, voasoratra ao amin’ny Baiboly fa ireo mpaminany dia nangonina niaraka tamin’ny olon’izy ireo.”

Dia hoy aho hoe, “Eny. Tsaroako izany ao amin’ny Soratra.”

Hoy Izy, “Eny, izao no hanangonana anao miaraka amin’ny olonao.”

Hoy aho hoe, “Noho izany dia ho tena misy izy ireo, ary azoko tsapaina izy ireo.”

“Oh, eny.”

¹⁵³ Hoy aho hoe, “Saingy, misy an-tapitrисаны ео. Тsy misy betsaka tahaka an’izao ireo Branham.”

¹⁵⁴ Dia hoy io Feo io hoe, “Tsy Branham izy ireo. Ireo anao niova fo ireo. Io ireo izay notarihanao teo amin’ny Tompo.” Ary hoy Izy, “Ny sasany amin’ireo vehivavy eo ireo, izay heverinao fa tena tsara tarehy, dia nihoatra ny sivifolo taona fony ianao nitarika azy ireo teo amin’ny Tompo. Tsy mahagaga izy ireo raha miantsoantso hoe, ‘Ny anadahinay sarobidy!’”

¹⁵⁵ Ary niantsoantso izy ireo, tampoka teo, nanao hoe, “Raha tsy nandeha ianao, dia tsy ho Teto izahay.”

Nijery nanodidina aho. Nieritreritra aho hoe, “Eny, tsy azoko izany.”

Hoy aho hoe, “Oh, aiza Jesosy? Izaho te-hahita Azy, mafy.”

¹⁵⁶ Hoy izy ireo hoe, “Ankehirinny, ao ambony kely kokoa ao Izy, amin’itsy ilany itsy.” Hoy izy ireo, “Hanatona anao Izy indray andro any. Hitanao?” Hoy izy ireo, “Ianao dia nirahina, ho mpitarika iray. Ary ho avy Andriamanitra. Ary rehefa tonga Izy, dia hitsara anao Izy arak’izay nampianarinao azy ireo, aloha, na miditra izy ireo na tsia. Hiditra izahay araka ny fampianaranao.”

¹⁵⁷ Hoy aho hoe, “Oh, tena faly aho. I Paoly ve, tsy maintsy hitsangana tahaka an’izao? Tsy maintsy hitsangana tahaka an’izao ve i Petera?”

“Eny.”

¹⁵⁸ Hoy aho hoe, “Noho izany dia nitory ny Teny rehetra izay notorian’izy ireo aho. Tsy nivily niala tamin’Izany mihitsy aho, teo amin’ny ilany iray nankeo amin’ny hafa. Teo amin’izay nanaovan’izy ireo batisa tamin’ny Anaran’i Jesosy Kristy, no nanaovako ihany koa. Teo amin’izay nampianaran’izy ireo ny batisan’ny Fanahy Masina, no nampianarako ihany koa.

Na inona na inona nampianarin'izy ireo, dia nampianariko ihany koa."

¹⁵⁹ Ary niantsoantso ireo olona ireo, ka nanao hoe, "Fantatray izany. Ary fantatray fa izahay dia handeha hiaraka aminao, indray andro any, hiverina eny amin'ny tany." Hoy izy ireo, "Ho avy Jesosy, ary ianao dia hotsaraina araka ny Teny izay notorianao taminay. Ary amin'io fotoana io raha ekena ianao, fa ho ekena ianao," ary hoy izy ireo, "avy eo dia ianao no hanolotra anay Aminy, ho amboaran'ny asam-panompoanao." Hoy izy ireo, "Ianao no hitari-dàlana anay hankeo Aminy, ary, ny rehetra miaraka, dia hiverina eto an-tany isika, mba ho velona mandrakizay."

Hoy aho hoe, "Tsy maintsy hiverina ve aho ankehitriny?"

"Eny. Saingy manohiza mandroso."

¹⁶⁰ Nijery aho. Ary afaka nahita an'ireo olona aho, arak'izay nahafahako nijery, mbola tonga foana, te-hamihina ahy, niantsoantso hoe, "Ny rahalahinay sarobidy!"

¹⁶¹ Tamin'io fotoana io mihitsy dia hoy ny Feo iray hoe, "Izay rehetra hany tianao, sy izay rehetra hany tia anao, dia nomen'Andriamanitra anao Eto." Dia nijery aho. Ary indro tonga ny alikako antitra, tonga nanatona. Indro tonga ny soavaliko, ka nametraka ny lohany teo amin'ny soroko, ka nihika. Hoy Izy, "Izay rehetra hany tianao, sy izay rehetra hany tia anao, dia nomen'Andriamanitra eo an-tànanao, tamin'ny alàlan'ny asam-panompoanao."

Dia nahatsapa ny tenako niala avy tamin'io Toerana tsara tarehy io aho.

¹⁶² Dia nijery manodidina aho. Hoy aho hoe, "Mifoha ve ianao, malala?" Mbola natory foana izy.

¹⁶³ Dia nieritreritra aho hoe, "O Andriamanitra! Oh, ampio aho, O Andriamanitra. Aza avela hanao marimaritra iraisana amin'ny Teny anankiray mihitsy aho. Avelao aho hijanona tsara mihitsy amin'ity Teny ity, ary history an'Izany. Tsy ahoako izay tonga sy lasa, izay ataon'ny olona; na firy ireo Saoly avy... zanak'i Kisy hitsangana, firy *ity, itsy*, na ny *hafa*. Avelao aho, Tompo, hanohy hankeo amin'io Toerana io." Ny tahotry ny fahafatesana rehetra . . .

¹⁶⁴ Milaza an'ity aho, miaraka amin'ny Baiboliko eto anoloako, izao maraina izao. Manana zazalahy kely iray aho eo, efataona, ho tezaina. Manana zazavavy iray sivy taona aho; ary adolantsento iray, izay ankasitrahako, fa nanaraka ny lèlan'ny Tompo. Andriamanitra anie, hamela ahy ho velona, hitondra azy ireo amin'ny fananaran'Andriamanitra.

¹⁶⁵ Ary ambonin'izany, izao tontolo rehetra izao dia toy ny miantsoantso ahy, vehivavy sy lehilahy sivifolo taona, ary ny

karazany rehetra. “Raha tsy nandeha ianao, dia tsy ho Teto izahay.”

¹⁶⁶ Ary, Andriamanitra anie, hamela ahy hanohy an'ilay ady. Saingy raha tonga eo amin'ny hoe fahafatesana izany, dia tsy halahelo aho. Ho fifaliana iray, ho fahafinaretana iray, ny hiditra, hiala amin'ity fahalòvana sy fahafaham-baraka ity.

¹⁶⁷ Raha afaka nanao aho, tany ambony tany, zato lavitrisa maily ny haavony, vaingana iray efa-joro, ary Fitiovana tanteraka izany; ny dingana tsirairay amin'ity lèlana ity, dia tery izany, mandra-pahatongantsika eo amin'izay misy antsika ankehitriny. Izany dia ho aloka tsotra iray fotsiny an'ny fahalòvana, io zavatra kely io izay ahafahantsika hihevitra sy hahatsapa fa misy zavatra any ho any. Tsy fantatsika hoe inona Izany.

¹⁶⁸ Oh, ry sakaizako sarobidy, ry malalako, ry malalako amin'ny Filazantsara, ry zanaka naterako ho an'Andriamanitra, henoy aho, pasiteranareo. Ianareo, maniry aho ny hisian'ny fomba iray ahafahako hanazava an'izany aminareo. Tsy misy teny; tsy afaka mahita an'izany aho; tsy hita na aiza na aiza izany. Fa any ankoatr'ity fofon'aina farany ity, dia misy zavatra be voninahitra indrindra izay ianareo mihitsy... Tsy misy fomba hanazavana an'izany. Tsy misy fomba. Tsy afaka manao an'izany fotsiny aho. Fa na inona na inona ataoareo, ry sakaiza, dia esory hiala ny zavatra hafa rehetra mandra-panananareo ny Fitiovana tanteraka. Tongava eo amin'ny toerana iray izay ahafahanareo mitia ny olona rehetra, ny fahavaloz rehetra, ny zavatra hafa rehetra.

¹⁶⁹ Io fitsidihana anankiray Tany io, ho ahy, no nanao ahy ho lehilahy hafa iray. Tsy afaka mihitsy aho, mihitsy, mihitsy ny ho ilay Rahalahy Branham iray ihany izay nahe-izy ahy. Na mihozongozona aza ny fiaramanidina, na mitselatra aza ny tselatra iray; na mametraka basy iray eo amiko aza ny mpitsikilo. Na inona na inona ilay izy, dia tsy mampaninona izany. Hanohy an'ilay ady aho, nohon'ny fahasoavan'Andriamanitra. Satria, efa nitory ny Filazantsara tamin'ny olombelona rehetra aho sy ny olona rehetra izay vitako, nandresy lahatra azy ireo ho any amin'io Tanàna tsara tarehy any io.

¹⁷⁰ Mety toa sarotra izany. Mety mila hery betsaka izany. Tsy fantatro hoe hatramin'ny oviana. Tsy mahafantatra isika, amin'ny resaka ara-batana. Ny... Avy tamin'ny fizahana ahy indray andro, dia hoy izy hoe, “Manana roapolo taona an'ny fiainana mafy, tsara ianao. Matanjaka ianao.” Nanampy ahy izany. Saingy, oh, tsy izany ilay izy. Tsy izany ilay izy. Ilay izy dia zavatra iray ato anaty *ato*. Tsy maintsy hitafy ny tsi-fahalòvana ity fahalòvana ity. Tsy maintsy hitafy ny tsy mety maty ity mety maty ity.

¹⁷¹ Mety hitsangana ireo zanak'i Kisy. Izaho...Ireo zavatra tsara rehetra izay ataoñ'izy ireo, tsy manana na inona na inona ratsy ho lazaina hanohitra an'izany aho, manome ny mahantra sy miantra. Ary tsarovy, nahoana, hoy i Samoela tamin'i Saoly hoe, "Haminany koa ianao." Ary maro amin'ireo lehilahy ireo no mpitory teny malaza, mahery, afaka mitory ny Teny tahaka an'ireo arkanjely. Saingy tsy mbola sitrapon'Andriamanitra foana izany. Andriamanitra no tokony ho mpanjakan'izy ireo. Rahalahy, ranabavy, avelao ny Fanahy Masina hitarika anareo.

Ndaosika hanondrika ny lohantsika vetivety fotsiny.

Tena manina sy sorena aho, ka te-hahita an'i Jesosy,

Tiako ny handre an'ireo lakolosin-tseranana mamy haneno;

Hanazava ny lâlako sy hampanjavona ny tahotra rehetra izany;

Tompo, avelao izahay hijery ny any ankoatry ny lamban'efitry ny fotoana.

Tompo, avelao aho hijery ny any ankoatry ny lamban'efitry ny alahelo sy ny tahotra,

Avelao aho hijery an'io toe-tany mamiratry ny masoandro io;

Hampahatanjaka ny finoanay sy hampanjavona ny tahotra rehetra izany;

Tompo, avelao izy ireo hijery ny any ankoatry ny lamban'efitry ny fotoana.

¹⁷² Azoko antoka, Tompo, fa raha ity fiangonana kely ity, izao maraina izao, no afaka fotsiny hijery ny any ambadiky ny lamban'efitra! Tsy misy fahorianeo anivon'izy ireo; tsy mety hisy mihitsy. Tsy misy aretina; tsy misy afa-tsy fahatanterahana. Ary Izany dia fofon'aina anankiray fotsiny eo anelanelan'ny eto sy Any, avy amin'ny fahanterana mankany amin'ny fahatanorana, avy amin'ny fotoana mankany amin'ny Mandrakizay; avy amin'ny fahatrotrohan'ny ampitso, sy ny alahelon'ny omaly, hatrany amin'ny fotoana ankehitrinin'ny Mandrakizay ao amin'ny fahatanterahana.

¹⁷³ Mivavaka aho, Andriamanitra, mba Hitahianao ny olona rehetra eto, raha misy eto, Tompo, ireo izay tsy mahafantatra Anao ao amin'izany fomban'ny Fitiovana izany. Ary marina tokoa, Ray, fa tsy misy na inona na inona afaka hiditra ao amin'io Toerana masina io raha tsy manana an'io karazana Fitiovana io, ny Fahateraham-baovao, ilay efa nateraka indray. Ny Fanahy Masina, Andriamanitra, dia Fitiovana, ary fantatray fa marina izany. Tsy mamparinona raha mahafindra tendrombohitra amin'ny finoanay aza izahay, raha nanao zavatra lehibe izahay, fa mbola, raha tsy manana an'Izany any, dia tsy afaka hihanika an'io tohatra lehibe any io mihitsy izahay. Fa miaraka

amin'Izany, dia Izany no hampiakatra anay any ankoatr'ity fiahian'ny tany ity. Mivavaka aho, Ray, mba Hitahianao ny olona eto.

¹⁷⁴ Ary enga anie, mba, ny olona tsirairay izay nandre ahy, izao maraina izao, niteny an'io Fahamarinana io, fa Ianao no vavolombeloko, Tompo, tahaka an'i Samoela fahiny; "Efa mba niteny zavatra tamin'izy ireo tamin'Ny Anaranao ve aho ka tsy marina?" Izy ireo no mpitsara. Ary miteny amin'izy ireo aho ankehitriny, Tompo, fa Ianao no nitondra ahy nankany amin'io Tany io. Ary Ianao no mahafantatra fa marina izany.

¹⁷⁵ Ary ankehitriny, Ray, raha misy sasany izay tsy mahafantatra Anao, dia enga anie ho izao no ora izay ilazan'izy ireo hoe, "Tompo, apetraho ato anatiko ny sitrapo mba ho ny Sitraponao." Ekeo izany, Ray.

¹⁷⁶ Ary ankehitriny, ianareo, miaraka amin'ny lohanareo miondrika, hanangana ny tànanareo ve ianareo, ka hanao hoe, "Mivavaha ho ahy, Rahalahy Branham; ho ao anatiko ny sitrapon'Andriamanitra."

¹⁷⁷ Ankehitriny raha mbola eo amin'izay misy anareo mihitsy ianareo, tena moramora fotsiny, nahoana no tsy milaza amin'ny Ray fotsiny ianareo hoe, "Andriamanitra, ao anatin'ny foko, androany, dia laviko ny zavatra rehetra an'izao tontolo izao. Laviko ny zavatra rehetra, mba hitiavana Anao sy hanompoana Anao, amin'ny fainako rehetra. Ary izaho, manomboka amin'ity andro ity, manomboka izao, dia hanaraka Anao, ao amin'ny Soratra tsirairay an'Ny Baibolinao"? Raha tsy mbola vita batisa tamin'ny batisa Kristiana ianareo, "Hanao aho, Tompo."

¹⁷⁸ "Raha tsy mbola nandray ny Fanahy Masina aho..." Ho fantatrareo rehefa naharay Azy ianareo. Izany no hanome anareo, Izany no hanome anareo ny antoka sy ny Fitiavana izay ilainareo. Oh, mety efa nanao hafa ianareo, nanana an'ireo fahatsapana, tahaka ny mety efa nikiakiahaneo na niteny tamin'ny fiteny tsy fantatra, izay tsara. Saingy raha tsy ao io Fitiavana Masina io, minoa ahy ankehitriny, manaova hoe, "Tompo, apetraho ato anatin'ny foko, ary ao amin'ny fanahiko, ilay fahatakarana an'Ny Fanahinao, mba ahafahako hitia, sy hanaja, ary hanana an'io Fitiavana Masina io ao am-poko, androany, izay hitondra ahy ho any amin'io Tany io rehefa miala amiko ny fofon'aiko farany," raha mbola mivavaka isika. Mivavaha ianareo, samirery, ankehitriny. Amin'ny fanaonareo manokana, dia mivavaha, angataho Andriamanitra hanao an'izany ho anareo.

¹⁷⁹ Tiako ianareo. Tiako ianareo. Ianareo lehilahy fotsy volo sarobidy mipetraka eto, izay efa niasa mafy sy namahana an'ireo ankizy kely! Ianareo mama mahantra, antitra izay namafa ny ranomaso teo amin'ny mason'izy ireo! Mamelà ahy hanome antoka anareo an'ity, ranabavy, malala, tsy tahaka an'izany ny

any ampitan'ilay fofon'aina hafa any. Mino aho fa ato amin'ny efitra tanteraka tokoa Izany. Izany dia faritra iray fotsiny izay iainantsika. Ity dia fahalòvana iray fotsiny izay iainantsika ankehitriny.

¹⁸⁰ “Fa ny sitrapo ato amiko, Tompo, dia ny ho Sitraponao.” Mivavaha ianareo, raha mbola miaraka mivavaka isika.

¹⁸¹ Am-panajana, Tompo, eo amin'ny fototry Ny Teninao sy Ny Fanahinao Masina, dia tena faly izahay fa fantatray hoe avy aiza ny Fahaterahanay. Faly izahay fa izahay dia “tsy nateraka avy tamin'ny sitrapon'ny olona, na avy tamin'ny sitrapon'ny nofo, fa avy tamin'ny sitrapon'Andriamanitra.”

¹⁸² Ary mivavaka izahay, androany, Ray, mba ireo izay mangataka ny fahasooavan'ny famelàna ankehitriny, dia Ny Fanahinao anie no hanao an'izany asa izany, Tompo. Tsy misy fomba ho ahy hanaovako an'izany; lehilahy iray fotsiny aho, zanakalahin'i Kisy iray hafa. Saingy mila Anao izahay, ny Fanahy Masina.

¹⁸³ Andriamanitra, aoka aho ho tahaka an'i Samoela, anankiray izay miteny ny Fahamarinan'ny Teny. Ary efa nanamarina an'Izany Ianao, hatreto, ary mino aho fa hanohy Ianao, raha mbola mijanona ho mahatoky Aminao foana aho.

¹⁸⁴ Enga anie izy rehetra ireo ankehitriny handray ny Fiainana Mandrakizay, Ray. Enga anie tsy hiala amin'izy ireo mihitsy ity andro ity. Ao amin'ny ora izay tsy maintsy handaozan'izy ireo an'ity izao tontolo izao ity, dia enga anie ity, izay vao avy nolazaiko tamin'izy ireo, ho lasa zava-misy iray. Ary raha mipetraka eto izahay, mety maty, androany, mijery ny famantaranandronay, mieritreritra ny sakafio harivanay, an'ny asa rahampitso, an'ireo fanahiana sy asa mafin'ny fiainana, fa tsy hisy izy ireo amin'Izany. Ho levona izy rehetra ireo. Tsy hisy fanahiana; fa fifaliana lehibe iray an'ny Mandrakizay. Omeo azy ireo izany karazam-Piainana izany, Ray, ny tsirairay avy. Ary enga anie . . .

¹⁸⁵ Mangataka an'izao Aminao aho, Ray, mba ny olona tsirairay izay ato izao maraina izao, izay nandre ahy nilaza an'io fahitana io, enga anie aho hihaona amin'ny tsirairay avy amin'izy ireo eny amin'ilay ilany hafa; na dia mety misy lehilahy izay tsy hifanarako amiko aza eto, sy vehivavy, ihany koa. Saingy, Ray, aza avela hitsangana eo amin'ny lalanay mihitsy izany. Enga anie izahay hihaona amin'izy ireo Any, ka izy ireo dia hihazakazaka, ihany koa, ka hifandramby, hiantsoantso hoe, “Ny rahalahinay sarobidy.” Aoka izany mba ho tahaka ny nanehoana azy Tany, Tompo, ho an'ny tsirairay avy, ny rehetra izay tiako, sy ny rehetra izay tia ahy. Mivavaka aho mba ho tahaka an'izany ilay izy, Tompo. Ary tiako izy rehetra. Aoka hiseho izy ireo, Ray. Atolotro azy ireo ny Fiainana Mandrakizay ankehitriny. Enga anie izy ireo hanao ny anjarany, mba hanaiky

an’Izany. Fa mangataka an’izany amin’ny Anaran’i Jesosy aho. Amena.

¹⁸⁶ Manana fotoana vitsy fotsiny isika, hivavahana ho an’ny marary. Hitako fa isika dia manana zazavavy kely iray, marary eto, ary ramatoa iray ao amin’ny sezra iray.

¹⁸⁷ Ankehitriny, ho an’ireo rahalahiko sarobidy indrindra, anabaviko, azafady aza diso fahazoana ahy. Izaho—tsy fantatroy izay nitranga. Tsy fantatroy izay nitranga. Fa, Andriamanitra, rehefa maty aho, dia avelao aho hiverina Any. Avelao fotsiny aho handeha eo amin’io Toerana io, izay tiako hisy ahy, na taiza na taiza ilay izy. Tsy miezaka ny ho Paoly iray aho izay nakarina tany amin’ireo lanitra fahatelo. Tsy milaza an’izany aho. Mino aho fa niezaka fotsiny Izy ny hampahery ahy, niezaka ny nanome ahy zavatra kely iray mba hanosika ahy handroso, ao amin’ny asam-panompoako vaovao izay ho avy.

Ho tsy manaja ve raha mamaky zavatra iray aho eto, iray minitra fotsiny? Hety tsara ve izany? [Hoy ny fiangonana hoe, “Amena.”—Mpand.]

¹⁸⁸ Anankiray amin’ireo magazina malaza an’ny firenena, Billy Graham. [Mamaky avy amin’ny lahatsoratra iray Rahalahy Branham, arak’izao manaraka izao—Mpand.]

¹⁸⁹ “Dokotera Billy Graham Nasaina Hankany Amin’Ny Islam,” eo amin’ny pejy voalohan’ny *The Afrikaans Times*, ny fahadimy ambin’ny folo Febroary, 1960. Ilay mpanoratra ny lahatsoratra, izay Silamo iray, Mohometana, dia mihevitra fa ireo fahagagana dia tokony hanaraka ny fitoriana ny Filazantsaran’i Kristy, ilay tsy miova omaly, anio, ary mandrakizay. “Manonona izahay, ‘Izao no izy. Kristy dia nampanantena an’ireo mpanaraka Azy, rehefa nilaza Izy hoe, ‘Izay mino Ahy, ireo asa izay Ataoko no hataony koa; lehibe noho izany aza no hataony.’” Efa mba nanao an’ireo asa ve ilay Fiangonana, izay, ireo—ireo toetran’i Kristy ao amin’ny Baiboly? Afaka ve Izy androany? Afaka ve ny iray amin’ny fiangonana miavaka, hanao na dia ny antsasak’ireo fahagagana nataon’i Kristy aza, mba tsy hilazana hoe “asa lehibe”? Afaka ve ianao, amin’ny maha-isam-batan’olona, fanta-daza, mpisolovavan’ny Kristiana, hitsangana, hanangana ny maty ho amin’ny fiaimana ara-batana? Afaka mandeha eo ambonin’ny ranomasina ve ianao? Afaka manasitrana ny marary ve ianao ary manome fahitana ho an’ny jamba? Tsy izany ve, araka ny fahadioana voalaza eo ambony, no natolotry ilay Mohometana? Na napetraka...na ilay fitsapan’i Kristy....?.... an’ireo mpanaraka araka ny filazana sasany, na ao amin’ny finoanao? Maro amin’ilay lahatsoratra Silamo no feno filazana diso mifanarakaraka.”

¹⁹⁰ Nandiso hevitra an’ity Silamo ity izy ireo, saingy marina ny azy. Fa ity no tokony nolazain’izy ireo. [Mamaky avy amin’ny

lahatsoratra iray Rahalahy Branham, arak'izao manaraka izao—Mpand.]

¹⁹¹ “Ny valiny tsara indrindra ho an’izay mamaky ny Baiboly, sy mahafantatra ny Koran. Ny Koran dia mamela fa ny... araka ny...namela araka ny fampitahana. Ny fihamboana fa ny Mohametisma dia lehibe sy mihoatra ny Kristianisma, dia f-i-s-e-h-o-s-e-h-o-a-n-a tanteraka, fisehosehoana,” heveriko, “fieritreretana. Ilay mpanoratra, anefa, dia nikasika toerana lehibe iray mikasika an’ireo fahagagana izay an’ilay Fianganana. Fa eto dia misalasala ny fahatsoram-pon’ilay mpanoratra indray izahay, satria iza no afaka hanondro sy afaka hiady hevitra an’ireo fahagagana nataon’ny Rev. William Branham teo anatrehan’ireo Silamo tany Afrika Atsimo, nefà iray alina no nandray an’i Kristy ho Mpamonjy? Teo ambanin’ny asam-panompoan’i William Branham, tao Durban, Afrika Atsimo, ary tany an-kafa nanerana an’izao tontolo izao, na an’i T. L. Osborn tany Afrika Atsinanana. Mazava ho azy, manohana zato isan-jato an’i Billy Graham izahay. Niresaka an’ilay fototry ny fanontaniana izahay, izany dia tsy... Tsy misy vidiny io fototry ny fanontaniana io.”

¹⁹² Fa eo afovoan’ny kely tsirairay an’izany (niantso ahy izy ireo... nilaza fa fanatika izahay, tsy fantatray izay nataonay) tsy maintsy nijoro vavolombelona izy ireo, tao amin’ny gazetiny manokana, fa tena nanao an’izany Andriamanitra, na ahoana na ahoana. Mbola Andriamanitra foana Andriamanitra, androany, tahaka ny naха-izy Azy hatramin’izay. Mety tsy mihevitra ianareo fa tsy mino an’izany izy ireo, tsy mahita an’izany izy ireo. Tsy nafenina mihitsy; tsy natao teny amin’ny zorony iray izany. Ary olona an’hetsiny no nipetraka tany, nandinika an’izany. Rehefa hitan’izy ireo ilay zazalahy kilemaina, ory tonga tany, ny Fanahy Masina niteny taminy mikasika ny fiaianany, sy ny sisa, ary izay niseho tany. Ary nahita Silamo iray alina nampandry ny tenany tamin’ny tany, niankohoka, nanaiky an’i Jesosy Krity ho Mpamonjy manokana.

¹⁹³ Mbola manana an’ireo T. L. Osborn foana isika, sy ny sisa, izay mbola mamahaha Sakafon’ondry. Ataoko fa tsy mbola teo anivon’ireo Silamo i Rahalahy Osborn. Mihambo izy ireo hoe izy ireo no tena manjakazaka. Saingy mbola manana Andriamanitra iray foana isika izay afaka manafaka an’ilay ondry amin’ny liona, afaka manafaka an’ilay ondry amin’ny bera.

¹⁹⁴ Nanao tsara ahy ny nahafantatra fa voatery nanoratra an’izany izy ireo ka nahafantatra an’izany. Tsia, mihevitra izy ireo fa tsy voatery; miala lavitra izy ireo ary manatodika ny lamosiny, ka manao hoe, “Ah, efa lasa ireo andro ireo.”

¹⁹⁵ Hoy ilay Silamo hoe, “Izany ve izy ireo? Lasa ny Baiboly manontolo arak’izany. Diso ianareo rehetra. Manompo Lehilahy iray ianareo, Lehilahy iray izay maty, ary Ny Anarany dia Jesosy.

Ary maty Izy, taona maro lasa izay, ka tsy misy izany hoe Izy efa nitsangana izany.”

¹⁹⁶ Saingy tsy afaka nilaza an’izany izy ireo tao amin’ilay fivoriana tany Durban. Nitsangana teo Izy nanao an’ilay zavatra iray ihany izay Nataony, izany no nanaporofa tamin’izy ireo. Ankehitriny na dia ireo—ireo anaram-piangonana aza dia tsy maintsy miverina, ilay tena olona izay nanoratra sy niteny tamiko mihitsy fa tokony hisintona ny fampianarako mikasika ny Baiboly aho, no ilay anankiray izay voatery nanoratra an’izany tao amin’ny gazetiny. Andriamanitra no hanao azy ireo hidera Azy, na ahoana na ahoana, arak’izany, na izany aza. Marina izany. Izy no hanao azy ireo hidera Azy, na ahoana na ahoana.

¹⁹⁷ Isika dia manana zazavavy kely, marary mipetraka eto. Zanakao ve io? Inona ny aretiny, ranabavy? [Hoy ilay anabavy hoe, “Fahaverezan-drà ao amin’ny ati-doha ilay izy.”—Mpand.] Madama? [“Fahaverezan-drà ao amin’ny ati-doha.”] Fahaverezan-drà ao amin’ny ati-doha. [“Nanoratra taminao aho, taona maro lasa izay, mikasika ny fahaverezan-dràny ao amin’ny ati-doha.”] Oh, hia. [“Izy dia efa narary ankehitriny, ho efa-taona amin’ny Aogositra.”] Efa-taona, amin’ny Aogositra. [“Efa nandeha tany Rahalahy Neville mba hijery azy.”] Oh, avy any Marengo ve izy, na tany ho any tany? [“Paoli.”] Paoli. Ity ve ilay zazavavy, arak’izany? Zavatra anankiray ihany, neny, no afaka hamonjy an’ilay zazavavy: izany dia, Andriamanitra no mahafantatra azy. [“Tsaratsara betsaka noho ny naha-izy azy izy.”] Tena faly aho ny amin’izany.

¹⁹⁸ Efa tany ve ianao nivavaka ho azy, Rahalahy Neville? [Hoy Rahalahy Neville hoe, “Eny, tompoko.”—Mpand.] Hatramin’ny nandehanan-dRahalahy Neville tany sy nivavaka ho azy, dia lasa tsaratsara kokoa izy. Mbola manana mpiandry ondry foana izay mahafantatra ny Sakafon’ondry.

¹⁹⁹ Inona ny aretinao, ranabavy malala, mipetraka eo amin’io sez aeo io, ny anao? [Hoy ny anabavy iray hoe, “Tratry ny homamiadana izy.”—Mpand.] Homamiadana.

²⁰⁰ Eny, raha nanontany zavatra iray aminareo fotsiny aho, eto mihitsy angamba. Firy no teto izay sitrana tamin’ny alàlan’ny... tamin’ny homamiadana, atsangano ny tamanareo? Jereo eto, ranabavy. [“Efa tena marenina izy, ka tsy afaka mandre an’izay lazainao.”—Mpand.]

²⁰¹ Andriamanitra no mpanasitrana. Fantatsika izany. Raha niteny taminareo aho fa afaka midina eo aho ka hanaisotra an’io fahaverezan-drà io amin’ilay zazavavy ka manao azy ho salama, dia ho niteny diso taminareo aho; na afaka hanaisotra ny homamiadana amin’ilay vehivavy. Fa zavatra anankiray no fantatro, nisy bera iray; homamiadana iray, fivontosana iray, fahajambana iray, ary na dia ny fahafatesana aza,

nandramby ny sasany tamin'ny ondrin'Andriamanitra, indray andro. Dia nandroso niaraka tamin'ny Herin'Andriamanitra aho, ka namono azy ary nitondra an'io ondry io niverina. Marina izany. Ary mandroso isika androany, tsy miaraka amin'ny zavatra lehibe iray, *izao-sy-izao*. Mandroso miaraka amin'ilay antsamotady kely tsotra an'ny vavaka aho. Izy no hitondra azy hiverina.

²⁰² Mino an'izany ianao, sa tsy izany, ranabavy? Ianao dia mino, ihany koa, sa tsy izany, ranabavy? Firy aminareo no mino amin'ny fonareo ankehitriny? [Hoy ny fiangonana hoe, "Amena."—Mpand.]

²⁰³ Ankehitriny dia aondreho ny lohanareo raha handeha hivavaka aho. [Miala amin'ny fanamafisam-peon'ny polipitra Rahalahy Branham ary mivavaka ho an'ny marary, raha mbola mitendry ny *Minoa Fotsiny* ny mpitendry piano—Mpand.]

²⁰⁴ Ray malala, mandry eto ny vehivavy tanora tsara tarehy iray, izay tsy afaka mamindra intsony, na handehandeha, raha tsy manampy azy Ianao. Tratran'ilay fahavaloo izy. Any ankoatry ny fahatakaran'ny dokotera iray izy. Nanosika azy tena lavity ny faritra ilay fahavaloo, hany ka tsy afaka nanao zavatra iray akory aza ny dokotera iray. Saingy tsy any ivelan'ny Fahatakaranao izy, Tompo. Eo amin'izay Azonao hametrahana ny Tànanao eo aminy mihitsy izy. Eo amin'ny fototry ny Tenin'Andriamanitra, no ametrahako ny tànako eo amin'ity vehivavy tanora ity, ka manameloka an'io fahaverezan-drà ao amin'ny ati-doha io. Amin'ny Anaran'i Jesosy Kristy, antsoy hiverina ho vehivavy ara-dalàna indray izy. Ho velona ho an'ny voninahitr'Andriamanitra izy. Enga anie izy ho salama, handeha ary hivoaka an'ity fiangonana ity, tahaka an'ireo sasany izay niditra, nitovy tamin'ity, hanome ny dera ho an'Andriamanitra. Ho tanteraka anie izany, amin'ny alàlan'i Jesosy Kristy.

²⁰⁵ Tahaka ny fahalemen'ny volony, boribory vitsy amboniny fotsiny sisa, ka ho any amin'io Tany any io izy izay tsy nahitako antitra intsony, fa tanora. Fa mipetraka eto ireo malalany, mitomany, ary tia azy izy ireo. Fahavaloo lehibe iray no nandramby azy ary nanosika azy any ivelan'ny fahatakaran'ny dokotera, liona mampahatahotra iray an'ny homamiadana. Andriamanitra, tonga aho, aoriany. Tonga aho hitondra azy hiverina. Mamono an'ilay lionan'ny homamiadana aho, amin'ny Anaran'ilay Kristy tsy mety resy, izay maha-ambasadaoro ahy. Enga anie hiala aminy izany, ary enga anie izy ho salama, sy ho velona taona maro, hatrany, ho an'ny haja sy voninahitr'Andriamanitra, amin'ny alàlan'i Jesosy Kristy Tomponay.

²⁰⁶ Ankehitriny, Ray any An-danitra, tsy ao amin'ny fitaovam-piadiana lehibe izao, tsy lefona mamiratra, fiteny sy voambolan'ny mpikabary iray, fa amin'ny antsamotady tsotra,

kely iray an'ny finoana. Tonga aho ho an'ity fanahy ity, sy ity vatana ity izay ny fahavalon'ny homamiadana no nandramby azy tany ankoatry ny fahatakaran'ny dokotera. Fa tonga ho azy aho, izao maraina izao, Tompo, mitondra azy miverina eo amin'ny ahi-maintso malomaloka sy rano velona. Amin'ny Anaran'ilay Jesosy mandresy, izay izaho no Ambasadaorony. Miaraka amin'ny finoana tsy mety maty, no inoako fa ho tafaverina indray izy, amin'ny alàlan'ny herin'ity vavaka izay nataonay ity. Ho tanteraka anie izany.

²⁰⁷ [Miresaka amin'ny olona iray Rahalahy Branham, ary avy eo dia miverina eo amin'ny fanamafisam-peon'ny polipitra—Mpand.]

²⁰⁸ [Miresaka amin-dRahalahy Neville Rahalahy Branham—Mpand.] Mino aho fa misy fotoan'ny batisa iray. Misy ve? [Hoy Rahalahy Neville hoe, “Eny, tompoko. Mbola misy mpitoky teny roa nitondra olona sasantsasany hatao batisa.”—Mpand.]

²⁰⁹ Hampitraka ny lohanareo vetivety fotsiny ve ianareo? Vao avy niteny tamiko ny pasitera . . .

²¹⁰ Ireto olona ireto dia tena, tena marary. Ho mety tsara izy ireo. Aza fotsiny . . . Ao tsara ilay izy. Tsy diso mihitsy ny teny fikasan'Andriamanitra. Manaraka azy ireo isika.

²¹¹ Manana fotoan'ny batisa izy ireo. Misy olona sasantsasany izay tsy maintsy mandeha. Hanana fivoriana indray isika rahariva.

²¹² Misy olona iray ve eto izay tsy afaka ho tonga rahariva, izay hila anay hanolotra vavaka ho anareo ankehitriny, izay tsy afaka ny ho eto rahariva? Ho tonga eto avy hatrany ve ianareo arak'izany, ianareo izay tsy afaka ho tonga rahariva. Hanana fotoana amboniny aho; hanao laharam-bavaka iray, rahariva. Tsy maintsy hanao batisa an'ireo olona ireo izy ireo.

²¹³ Manana zazalahy kely iray ve ianao eo? Eny à ry. [Mandroso ny rahalahy iray ka milaza amin-dRahalahy Branham hoe, “Mety tsara ve raha manome anao an'ity aho?”—Mpand.] Eny, rahalahy. Misaotra anao, betsaka. Mety tsara ve raha vakiako izany afaka kelikely na izao ankehitriny izao? Misaotra anao, tompoko.

²¹⁴ Ankehitriny raha hanome ahy iray minitra fotsiny na roa amboniny ianareo, avy eo isika dia hanana ny—ny fotoana ho an'ny—ho an'ny batisa. Fantatro fa te-hahita an'izany ianareo. Ary ireo izay maniry ny batisa izao maraina izao, eny, ianareo, ireo ramatoa dia mandeha amin'ity hanolo ny akanjony, ary ireo lehilahy dia mandeha amin'iry ilany iry. Ary avy eo raha mbola mivavaka ho an'ireo olona marary ireto aho, amin'izay fotoana izay ianareo dia afaka ny ho vonona ho an'ny fotoan'ny batisa. Ary ireo ankehitriny izay . . .

²¹⁵ Ankehitriny, rahariva, dia hiezaka aho ny hanao laharam-bavaka kely iray, rahariva, avy hatrany, vantany vao miditra izy ireo. Ary hanomboka amin'ny Boky faha-1-n'ny Efesiana isika, rahariva. Ary tena ho faly izahay ankehitriny ny hanana anareo ato, raha tsy manana fiangonana handehanana ianareo. Fa raha manana ny pasiteranareo sy ny fiangonanareo manokana ianareo, amin'izay fotoana izay ianareo—manatreha ny fiangonanareo sarobidy izay tohananareo.

²¹⁶ Raha ianareo izay tsy maintsy handeha, ka hiainga amin'izao fotoana izao, dia Andriamanitra hitahy anareo. Miaraha aminay indray rehefa afaka ianareo. Ho faly izahay ny hanana anareo.

²¹⁷ Ianao ve ivavahana, ihany koa, rahalahy? Inona ny aretinao? Tosi-drà ambony.

²¹⁸ Ankehitriny, ny sisa aminareo, raha mbola manondrika ny lohanareo ianareo, iray minitra, dia te-hivavaka izahay.

²¹⁹ Ray, misaotra Anao aho, androany, ny amin'ilay antsamotady kelin'ny mpiandry ondry, ny vavaka izay nampandohalika an'ilay liona, ka nesorina niala taminy ilay zanak'ondry kely, ary nentina niverina tamin'ny mamany sy ny dadany. Mivavaka ho an'ny rahalahinay aho. Mangataka aho mba Hitondranao azy voaaro, ihany koa, Tompo. Enga anie hitsahatra ny tosi-drà ambony sy ireo aretin'ny vatany. Manaraka azy aho, Tompo, mitondra azy miverina, amin'ny Anaran'i Jesosy Kristy. Ho tanteraka anie izany. Amena.

Andriamanitra hitahy anao, rahalahy.

Eo am-pidinana, dia mahita anao aho mihazona zazalahy kely iray, jamba.

²²⁰ Zavatra anankiray amboniny izay tiako ho lazaina. Izaho efa nanana... tena narary, nandò. Dia nieritreritra aho... Tsy tiako ho diso an'ity ianareo, raha vitanareo. Nieritreritra aho hoe, "Andriamanitra, inona no homeko raha afaka mandre olona iray mijanona ao ivelany ao aho? Hilaza ny vadiko hoe, 'Billy, misy lehilahy mihaja antitra iray ity hijery anao.'

²²¹ "Ary indro niditra ny lehilahy kely iray, sola loha niaraka tamin'ny volombava fotsy nihantona nanerana ny tavany. Hiditra izy, hanao hoe, 'Ianao ve no Rahalahy Branham?'

"Hilaza aho hoe, 'Eny, tompoko, izaho no izy.'

²²² "'Simona no anarako.' Hametraka ny tânany eo amiko izy, ka hijery ahy iray minitra. Hanao hoe, 'Mpino iray ianao, Rahalahy Branham.'

"Eny."

²²³ "'Ho mety tsara ilay izy.' Simona Petera, an'ny Baiboly. Toy ny ahoana no hankasitrahako an'izany! Tsy hila hilaza betsaka izy. Hametraka ny tânany fotsiny eo amiko. Ho mety tsara ilay izy."

²²⁴ Ary noho izany dia izao no tonga tamiko, nohon'ny fanampian'Andriamanitra, sy nohon'ny fahasoavan'Andriamanitra, misy olona an'aliny no hino an'ilay zavatra iray ihany, raha ho tonga eo amin'izy ireo aho. Dia nieritreritra aho hoe, "Tompo, avelao aho handeha hankany amin'ny tsirairay avy izay tratrako, raha izany. Avelao fotsiny aho—fotsiny . . ."

²²⁵ Nieritreritra aho hoe, "Raha Simona, na i Paoly fotsiny, ny sasany amin'izy ireo, no tonga fotsiny ka hanao hoe, 'Ianao ve no Rahalahy Branham?'

"Eny."

²²⁶ "Hametraka ny tangan'izy ireo eo amiko, ary hijery ahy, ka hanao hoe, 'Eny àry, Rahalahy Branham,' hivoaka fotsiny.

²²⁷ "Ho salama aho. Ho mety tsara aho. Azo antoka. Nilaza aho . . . Ry tovolahy, hiakatra eo no ho eo ny faherezako. Hilaza aho hoe, 'Ho mety tsara aho.'" Eny, tompoko.

²²⁸ Ary misy olona izay mino an'ilay zavatra iray ihany androany. Ary izany no idinako eto mba hatao, hametra-tànana eo aminareo, hangataka an'Andriamanitra.

²²⁹ [Miala eo amin'ny fanamafisam-peon'ny polipitra Rahalahy Branham ka mivavaka ho an'ny marary—Mpand.]

²³⁰ Te-handeha hankeo amin'ity zazalahy kely ity aho, ranabavy, iray minitra fotsiny. Izy dia zazalahy kely iray, jamba. Hafiriana no efa nahajamba azy? [Hoy ny anabavy iray hoe, "Hatramin'ny nahaterahany."—Mpand.] Hatramin'ny nahaterahany. Akory, ry zazalahy kely! Oh, ianao dia zazalahy tena mahafinaritra, kely iray. [Miresaka amin'ny olona iray Rahalahy Branham.]

²³¹ O Andriamanitra mpiahy! Any ankoatry ny fahatakaran'ny dokotera, tamin'ny fahaterahan'ity zazalahy kely ity, efa teraka jamba, ary tsy afaka mahita izy; ity zazalahy tsara tarehy, mahante-ho tia kely ity. Ary ilay fahavalو, talohan'ny nananan'ity ankizy kely ity anjara iray amin'ny fiainana, dia nanosika azy any ankoatry ny fahatakaran'ny dokotera iray. Noho izany, dia tonga aho hanaraka azy, izao maraina izao, Tompo. Ity antsamotady tsotra, kely an'ny vavaka ity. Avelao aho hitondra azy hiverina, Andriamanitra. Mihaona amin'ilay fahavalо aho, ny devoly, amin'ny Anaran'i Jesosy Kristy, ary mitaky an'ity zazalahy ity ho an'Andriamanitra. Mitaky ny fahitany aho, ho an'Andriamanitra, hamerina aminy an'izay nangalarin'i Satana taminy. Enga anie izy hahazo an'izany. Amin'ny Anaran'i Jesosy Kristy, ho tanteraka anie izany. Efa noteneniko izany.

²³² Ankehitriny, ranabavy, malala, ankehitriny dia aza manana pentim-pisalasalana ianao, fa ho mety tsara ity zazalahy kely ity. Tiako ianao hitondra azy hiverina eto amin'ny fiangonana, ka haneho amin'ny olona, fa afaka mahita izy. Omeko azy ny fahitany, amin'ny Anaran'i Jesosy Kristy.

[Miresaka amin'ny olona iray Rahalahy Branham—Mpand.]

²³³ Tompo Jesosy, mba hametraka . . . Ity anankiray kely ity izay efa nanoloranay vavaka betsaka! Fa, izao maraina izao, dia tonga indray aho amin'ny Anaran'i Jesosy Kristy, mitondra an'ity antsamotady kely izay Nomenao ahy ity. Ary efa nanampy ahy tamin'ity Ianao, Tompo, tamin'ny alàlan'Ny Herinao, mba hanala ny . . . avy amin'ny vavan'ny homamiadana, avy amin'ny vavan'ny fahafatesana izy tenany, nanangana ny maty taorian'ny nanononan'izy ireo azy hoe maty, ary nandry henjana sy mangatsiaka. Manenjika an'io fahavalio aho, amin'ny Anaran'i Jesosy Kristy. Noho izany dia avereno amin'ny fahasalamana indray izy, Tompo. Ekeo izany. Ho vita anie izany, ho an'ny voninahitr'Andriamanitra.

²³⁴ Ary hivavahana ve ianao? [Miresaka amin-dRahalahy Branham ny anabavy iray—Mpand.] Mpino iray ve ianao? [“Eny! . . . ? . . .”] Tompo, mitondra azy aho, ao amin'ny fahatakaran'ity antsamotady kely ity. Amin'ny Anaran'i Jesosy Kristy, enga anie hiala aminy izany ka tsy hiverina intsony.

²³⁵ [Miresaka amin-dRahalahy Branham ny anabavy iray—Mpand.] Eny, ity antsamotady iray ihany ity, izay handeha ka nahazo an-dRahalahy Harley, sy ho an'ny zanakavavinao ary ny tenanao.

²³⁶ Ankehitriny, Ray any An-danitra, manenjika an'ilay fahavalio aho, mampiasa an'ity antsamotady kely izay Nomenao ahy ity, satria hoy Ianao hoe, “Raha mitondra ny olona hino ianao, ka ho tso-po rehefa mivavaka,” dia handeha io vato kely io hankany amin'ilay faritra mamono. Enga anie handeha izany ankehitriny, Tompo, raha mandefa azy mankany amin'ny fangatahany aho. Amin'ny Anaran'i Jesosy Kristy, ho tanteraka anie izany. Amena.

[Hoy ilay anabavy hoe, “Ary mahatsapa ho tsara marina tokoa ireo rantsan-tànako.”—Mpand.]

²³⁷ [Miresaka amin-dRahalahy Branham ny anabavy iray—Mpand.] Eny àry, ranabavy. Ankehitriny isika dia . . . Any ankoatry ny fahatakaran'ireo dokotera ireo hozatra. Afaka manome zavatra iray ho anao izy ireo mba hampitony kely anao, saingy hanao anao ho ratsy kokoa izany, aorian'izany. Hia. Jereo ankehitriny. Handeha hanaraka an'izany isika, izao maraina izao. Hivoaka; hamerina anao. [Elanelana tsy voaraki-peo.]

²³⁸ Tompo Jesosy, . . . [Elanelana tsy voaraki-peo—Mpand.] . . . vato kely dimy, f-i-n-o-a-n-a [Amin'ny teny Anglisy dia f-a-i-t-h—Mpand.], ary antsamotadin'ny vavaka. Ary mitondra ny anabaviko miverina avy amin'ny fanagejan'io fikorontanan-tsaina io aho . . . ? . . . any. Mitondra azy hiverina eo amin'ny fiadanana sy ahi-maintso malomaloka ary rano velona aho. Manao an'iao amin'ny Anaran'i Jesosy Kristy aho. Amena.

[Miresaka amin-dRahalahy Branham ny anabavy iray—Mpand.]

²³⁹ Andriamanitra Ray, ity zazavavy kely ity, tena faly izahay fa tsy fahavoazan'ny hozatra ilay izy. Fa tsy mampaninona izay maha-izy azy, mbola ao amin'ny Fahatakaranao foana izany, Tompo. Ary tonga aho miaraka amin'ny antsamotady kelin'ny finoana, sy ity vato ity. Ary manery an'ity vato ity miaraka amin'ny hery rehetra izay ahafahako manipy azy aho. Amin'ny Anaran'i Jesosy Kristy, enga anie izany hahavoa an'ilay fikendry. Enga anie ho salama ny anabavinay. Manao an'izao amin'ny Anaran'i Jesosy Kristy aho.

[Miresaka amin-dRahalahy Branham ny anabavy iray—Mpand.]

²⁴⁰ Satria ity reny tanora ity, sy ny solofo keliny, anankiray kely izay tiany ihaonana any, eo amin'ilay ilany hafa, io Tany be voninahitra izay vao avy noresahako io. Ary izy ireo... Ilay reny dia tsy ho velona hatramin'ny... hitaiza an'ilay ankizy kely, ary ilay ankizy kely koa tsy ho velona ela raha tsy misy ny Fanampianao. Fa tonga miaraka amin'ny antsamotady aho, miaraka amin'io hery rehetra sy fikendrena io mba ahafahako mahavoa an'ilay fahavaloo. Ary amin'ny Anaran'i Jesosy Kristy, no anipazako an'ity aminy. Ho salama izy ireo, ho an'ny voninahitr'Andriamanitra. Amin'ny Anaran'i Jesosy. Amena.

[Miresaka amin-dRahalahy Branham ny anabavy iray—Mpand.]

²⁴¹ Oh, tena mahafinaritra izany. Faly aho. Eny, io asam-panompoana io, tamin'izany, no asam-panompoana lehibe indrindra nanondro tamin'ny olona. Izany dia nanondro an'ireo asa...?....

²⁴² Rainay any An-danitra, nanosika an'ity reny kely ity any ankoatry ny fahatakan'ireo dokotera tany i Satana. Afaka nanatsofoka fanafody iray tahaka an'izany fotsiny izy ireo, Tompo, izay handrovitra azy fotsiny manerana, manerana, zara raha nanao azy hahafantatra izay misy azy. Ary avy eo rehefa tonga izy, dia miha-ratsy. Fa tonga miaraka amin'ity antsamotadin'ny finoana ity aho, miaraka amin'ny vato iray, mandefa miaraka amin'ny fikendrena mahitsy iray, mankeo amin'ny aotra eo amin'ilay fikendry. Amin'ny Anaran'i Jesosy Kristy, no anesorako aminy an'io fikorontanan-tsaina io, ho an'ny voninahitr'Andriamanitra. Amena.

[Miresaka amin-dRahalahy Branham ny olona iray—Mpand.]

²⁴³ Andriamanitra malala, nandry tany Rahalahy George, teo am-pahafatesana, vao tsy ela akory izay. Hitako hoe inona no nataon'ny finoana iray ho azy. Ankehitriny dia tratry ny aretin-kozatra izy, Tompo. Fantatray fa afaka nanome azy cortisone iray izy ireo, zavatra izay hampahalefaka kely ny fanaintainana,

saingy tsy hanaisotra an'ilay zavatra izany. Noho izany dia manolotra an'ity vavaka ity izahay, amin'ny Anaran'i Jesosy Kristy. Enga anie ho lasa ny aretin-kozatra. Enga anie izy hody any an-trano ka ho salama.

Misaotra anao, rahalahy.

²⁴⁴ Manao ahoana ianao, tompokovavy? [Miresaka amin-dRahalahy Branham ny anabavy iray—Mpand.] Oh, oadray! Tsi-fandrenesana. Afaka mandre mihitsy ve ianao? Ah-hah. Any ankoatry ny fahatakaran'ny fahalalana mety maty mihitsy! Mpino iray an'ny Tompo Jesosy ve ianao? [Hoy ilay anabavy hoe, "Amena."] Mahita vehivavy tsara tarehy iray aho Any, indray andro any. Ho tanora mandrakizay indray ianao. Fantatro fa te-ho velona ianao ankehitriny ho an'ny Voninahiny. Hiverina amin'ny...

²⁴⁵ [Hoy ilay anabavy hoe, "Tsia, malahelo ny zanako lahy aho."—Mpand.] Ny zanakao lahy. ["Izay efa lasa maherin'ny roa taona izao."] Tsy afaka mahita azy ve ianao? ["Eo antanan'Andriamanitra izy."] Oh, izy—lasa izy? ["Ah-hah. Nitety ny lohassahan'ny fahafatesana."] Oh, izany. ["Ary ny alaheloko."] Tratry ny alaheloo. Hia. ["Izaho dia malahelo... Tratry ny alaheloo aho. Ary izaho dia mahatsapa toy ny hoe, raha izany no sitrapon'Andriamanitra, dia tiako Izy haka ahy. Tsy misy tsifahasambarana ao Aminy."]

²⁴⁶ Ranabavy, malala, te-hitondra anao eo amin'izay ahatsapanao ho tsara aho. Nandre an'ilay fahitana ve izy, izao maraina izao? [Hoy ilay anabavy hafa hoe, "Afaka mandre tsara mihitsy izy."—Mpand.] Eny, teneno aminy.

²⁴⁷ Eny, izy no hiteny aminao an'izay nitranga. Any ankoatry ny fofon'ainao eto fotsiny, no iandrasan'io zazalahy sarobidy io anao. Ho tanora tahaka azy ianao. Tiavo, tiavo fotsiny ilay... [Hoy ilay anabavy hoe, "Tsy te-hijanona aho. Te-handeha miaraka aminy aho, raha izany no sitrapon'Andriamanitra."—Mpand.]

²⁴⁸ Ray any An-danitra malala, efa tapitra ny hazakazam-piaianana. Tsy misy betsaka intsony tavela. Ary ny zanaka lahiny sarobidy, any am-pitan'ilay renirano fotsiny, raha afaka hijery any aorianana fotsiny mantsy izy, dia hanao hoe, "Andro vitsy fotsiny." Miandry an'ilay sambo izy, Tompo, izay hitondra azy manerana an'ilay zavona, hankany amin'io Tany be voninahitra io. Tahio izy, Ray, ary ampionony ny fony. Ka enga anie izany ho favoriana lehibe iray, any am-pitan'ilay renirano fotsiny. 

ILAY MPANJAKA NOLAVINA MAG60-0515M
(The Rejected King)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 15 May, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org